



三十四

服部文庫
117
30
2



117
380
2

禪林類聚二之目錄

○第六 示衆 勘辨 棒喝

○第七 圓相 對機 賓主 家風

○第八 經教 看經 講經 論議 祖偈

○第九 姓名 頭首 知事 侍者 法屬

尼女 行童

○第十 人境 心眼 肢體 真像

第十 八教 心相 相續 真如

○ 廣心 於心 而首 映華 於華 於華

○ 華八 於華 青銀 華銀 結結 結結

○ 華十 圓珠 圓珠 實主 實主

○ 華六 示衆 博博 林如

斷林博集二文目錄

禪林類聚卷第六



示衆

勘辨

捧喝

○ 南泉示衆云心不是佛智不是道

鼓山珪頌云心不是佛智不是道青山白雲落花芳草

若果是靈利阿師終不回頭轉腦 開善謙云太平時節

歲豐盈旅不齋糧戶不衙官路無人夜無月唱歌歸去

恰三更 禪山果云雨散雲收後崔嵬數十峯倚欄頌

顧望回首與誰同

南泉示衆云江西馬大師說即心即佛王老師不恁麼不

是心不是佛不是物恁麼道還有過麼

鼓山珪頌云剔起便行三萬里只今休去八千年分明

更爲從頭舉一任諸方取次傳徑山果云倒腹傾腸
說向君不知何故尚沈吟而今便好猛提取付與世間
無事人靈巖曰云倒腹傾腸幾箇知更無絲髮可担
依直饒徹底承當去也落他家第二機

黃檗運禪師示眾云汝等諸人盡是唾酒糟漢與麼行脚
何處有今日還知大唐國裏無禪師麼時有僧出云只如
諸方匡徒領衆又作麼生師云不道無禪只是無師

爲山問仰山作麼生仰云攜王擇乳素非鴨類爲云此
實難辨五祖戒出僧語云謝和尚說得道理好石

門聰云黃檗垂示不妨奇特纔被布衲揆揆著失却一
隻眼承天宗云五祖戒眼照四天下要見黃檗猶未
可若要扶豎正法眼藏須是黃檗宗師翠巖真云諸

方商確便道黃檗半却這僧又道黃檗被這僧上來直
得分辨不下何爲也翠岩輒生擬議霧豹澤毛未掌下
食庭禽養勇終待驚人爲山詰云諸人還會麼莫雅
從前多意氣他家曾踏石頭關

雪竇顯頌云凜々孤風不自誇端居寢海定龍蛇太中
天子曾輕觸三度親遭弄爪牙白雲端云大書國裏
無禪師與君攜手歸家裏拋鉤本欲釣鯢鯨誰知釣得
跋鼈子佛鑑勸云黃檗山中明示眾大唐國裏暗藏
身袈裟一角猶拖地誰是叢林有眼人佛慧泉云無
師充塞大唐國唾酒糟漢會不得竹寺閑過春已深落
花亂點莓苔色徑山果云身上著衣方免寒口邊說
食終不飽大唐國裏老婆禪今日爲君註破了

洞山价禪師示眾云言無展事語不投機承言者表滯句者迷

鼓山珙頌云只要按楔抽釘為人解黏去縛如何洞山老人先自藤蛇繞脚徑山果云言無展事語不投機承言者表滯句者迷逢人不得錯舉

臨濟示眾云夫十句語須具三玄門一玄門須具三要有權有用汝等諸人作麼生會小一

慈明圓頌云第十玄三世諸佛擬何宜垂慈夢裏生輕薄端坐還同落斷邊第十一玄靈利衲僧眼未明石火電光知是鈍揚眉瞬目涉關山第十二玄萬象森羅宇宙寬雲散洞空山嶽靜落花流水蒲長川第十三玄豈語聖凡妙擬議亦長途擡舉七顛倒第十四玄要峯頂敲捷召神通

自在來多開門外叫第二要起坐令人笑掌內握乾坤千差都一照

睦州示眾云大事未明如喪考妣大事既明如喪考妣保寧鼻頌云春去秋來古與今相逢休論歲時深飢餐渴飲無他事盡聽蒲頭霜雪侵

三聖然禪師示眾云我逢人即出出則不為人興化闍云我逢人即不出出則便為人

白雲端云大衆此二尊宿各有一處打得著且道那箇在前那箇在後還有人向這裏定當得麼良久云妙舞真誇回雪手三臺須是大家催五祖演云大衆此二古德一人文章浩渺一人武藝全施若道興化是文亦不得若道三聖是武亦不得還於此辨得出麼若辨得

出許你通身是命若辯不出你自相度保寧勇云此
二尊宿與麼為人猶在半途保寧今日路見不平拈拄
杖下座大眾下時走散擲却便歸方丈天童覺云隨
也隨也今日不是戒古人聲光且要長後人節緊若是
本色漢提祖佛印轉鐵牛機把拄杖一時穿却方見衲
僧手段

保寧勇頌云騎驢戴笠迎南去躍馬搖鞭向北行兩箇
太商俱突曉日高猶聽打三更佛鑑勲云城南措大
騎驢入市北郎君跨馬京各各四蹄俱踏地三春同到
金明池圓通僊云翻是羅兮覆是繡弟兄同氣復連
枝為人不成歌曲祖父田園要及時佛燈珣云湖
光潏潏晴方好山色瀟瀟雨亦奇若把西湖比西子淡

糝濃抹總相宜徑山果云陽焰何曾止得渴盡斷幾
時充得飢勸君不用栽荆棘後代兒孫惹著衣
白水作禪師示眾云尋常不欲向聲前句後鼓弄人家男
女何故且聲不是聲色不是色時有僧問如何是聲不是
聲師云喚作色得麼云如何是色不是色師云喚作聲得
麼僧作禮師云且道爲汝說甚汝話若人辨得有箇入處
軍實顯云本仁也甚奇恠要且貪觀天上既非聲前句
後且作麼生入木菴秀云本仁只知橫千不會豎百
如何是聲不是聲莫逐音響如何是色不是色莫逐青
黃且從伊向聲前句後覓箇安身自然別有生涯佛
鑑勲云拂迹成痕欲隱彌露既道聲不是聲色不是色
洎乎鬧著却云喚作聲得麼喚作色得麼本仁和尚鼓

弄人家男女亦不少矣而今欲得親功麼乃擊禪床云
還聞聲麼豎起拂子云還見色麼於此透過見聞許亦
有箇出路應庵華云雪竇到這裏盡其神通無揮手
處只如道既非聲前句後從甚麼處入徃徃十箇有五
雙蹉過還知薦福落處麼下箭落雙鷗
丹霞淳頌云色自色兮聲自聲新鶯啼處柳煙輕門門
有路通京國三嶋斜橫海月明

乾峯禪師示衆云舉一不得舉二放過一著落在第一雲
門出衆云昨日有人從天台來却徃徑山去師云典座明
日不得普請便下座
雲竇顯云諸德雲門老只解一手擡不能一手搥還有
共相着力底麼試露爪牙看佛印无云此語衆中商

量甚多會者極少乾峯夢裏合眼跳黃河覺來身在林
上雲門醉後扶人倒上樹醒來只在坐中二人打作一
團至今分疎不下若人知得落處許你解空第一木
偽詰云乾峯善唱雲門善拍拍唱相隨風清古格還有
知音者麼下堂風冷淡千古意分明琅琊覺云路遙
知馬力歲久見人心鴻山果云乾峯平地生堆韶石
因風起浪雖然合水和泥千古叢林榜棧既是叢林榜
樣爲甚麼合水和泥會麼不入洪波裏爭見弄潮人
黃龍心頌云乾峯舉一不舉二雲門擡手添意氣花開
花落任風吹自有馨香滿天地普融平云天台南嶽
去無蹤更有何人覲面逢東嶺雲生西嶺白前山花發
後山紅蔡受深云煮海成鹽終有味敲空作響本無

聲。崑崙撞著波斯子，把手相將海底行。佛性赤云高樓美女下雙雙，各向瓊窓坐玉牀。繡出鴛鴦呈似了，金針深插錦香囊。白雲端云黑白分明滿荷葉，曾無下着有相虧。可憐無限傍觀者，斧爛柯消總不知。來山示衆云：明不越戶，穴不棲巢，自不顧他位，脚不踏他位裏。六戶不掩，四衢無蹤，學不停年，意不立妄，千劫眼不借舌頭底，萬劫舌頭不顧。眼中明，峻機不假鋒銜，事到這裏有箇甚麼事。闍梨竿頭，絲線從君弄，不犯清波意。自殊雲門偈禪師示衆云：人人自有光明在，看時不見暗昏昏。作麼生是諸人自己光明？自代云：厨庫三門又云：好事不如無。
雲實顯頌云：自照列孤明，爲君通下線。花謝樹無影，看

時誰不見。見木見倒騎牛兮入佛殿。白雲端云：徹底昏昏不待看，拄天拄地黑漫漫。三門厨庫長相對，一徑松風蒲院寒。圓悟勸云：夜明簾外千峰秀，鸞鏡臺前萬象殊。掃蹤滅跡不立錙銖，誰爲佛殿誰是香厨。敲出鳳凰五色髓，擊碎驪龍明月珠。
雲門示衆云：直得乾坤大地無纖毫，過患猶是轉句不見。个色始是半提，更須知有全提時節。
松源岳頌云：百尺竿頭弄險，是非海裏橫身。更有全提大底時節，只堪惆悵不堪陳。
雲若示衆云：得者不輕微，明者不賤用。識者不咨嗟，解者無厭惡。從天降下則貪寒，從地湧出則富貴。門裏出身易，身裏出門難。動則埋身千丈，不動則當處生苗。一言迥脫

獨按當時言語不要多，多則無用處。

丹霞薄頌云：門頭戶尾事千差，了盡猶來未到家。明月堂前無影木，巖疑雪夜忽開花。

大陽玄禪師示眾云：紫峨萬仞鳥道難通，劔刃輕冰誰當發踐。宗乘妙句語路難陳，不二法門淨名杜口。所以道達塵西來九年面壁始遇知音，大陽今日也大無端，珍重。

丹霞薄頌云：不掛唇皮，下句高少林。冷坐最慈悲，須知此道非傳授。立空神光已強為。

風元沼禪師示眾云：若立一塵，家國興盛。野老頓覺不立一塵，家國衰亡。野老安貼於此，明得闍黎無分全，是處僧於此不明。老僧即是闍黎，闍黎與老僧亦能悟却天下人亦能迷却天下人。要識闍黎麼？左邊拍，下拍云：這裏即是。

要識老僧麼？右邊拍，下拍云：這裏即是。

雲門云：這裏即易，那裏即難。琅琊云：柏下聽虛聲。

五祖演云：太平即不然，若立一塵，法堂前草深一丈，不

立一塵，錦上鋪花，何也不見道九九八十一窮漢受罪。

畢繼接展脚眠，蚊蟲猶發出。應庵華云：木小風穴不

會轉身句。松源岳云：薦福見處又且不然，木小風穴

醋氣猶在何故始作翕如也。縱之純如也。皎如也。繹如

也以成唱一唱。

雪竇顯頌云：野老從教不展眉，且圖家國立雄基。謀臣猛將今何在，萬里清風獨自知。白雲端云：立國仍教野老欣，威行關外不揚塵。縱橫莫測文兼武，宇宙茫茫有幾人。天童覺云：幡然渭水起垂綸，何似首陽清餓。

人只在一塵分變態高名勲業兩難泯

首山念禪師示眾云第十句薦得與佛祖為師第二句薦得與人天為師第三句薦得自救不了僧問和尚是第幾句薦得師云月落三更穿市過

天童覺頌云佛祖觸髅穿一串官滑沈沈密傳箭人天機要發千鈞雲陣輝輝急飛電箇中人看轉變遇賤則貴貴則賤得珠圓象兮至道綿綿游刃亡牛兮赤心片片

勤辨

仰山寂禪師因瀉山問大地眾生業識忙忙無本可據于你麼生知他有之與無師云某甲有驗處時有一僧從面前過師召云聞梨其僧回首師云和尚這箇便是業識忙忙無本可據瀉云此是獅子一滴乳迸散六斛驢乳

草堂清云古人臨機施設出在一時此是因風吹火用為不多當時若無僧從面前過仰山將甚麼語驗他不遇祖師端的肯臨機開口卒難應

天童覺頌云一喚回頭識我不依倚蘿月又成鈎千金之子纔流落漠漠塗窮有許愁

仰山問僧甚處人云幽州人師云汝還思彼中麼云常思師云能思是心所思是境彼中山河大地樓臺殿閣人畜等物反思思底心還有許多般麼云某甲到這裏總不見有師云信位即是人位末是云和尚莫別有指示不師云別有別無即不中據汝見處只得一文得坐披衣向後自看

天童覺頌云無外而容無礙而冲閉牆岸豈關鎖重重

酒常酣而卧客飯雖飽而頓農突出虛空兮風搏妙翅
踏翻滄海兮雷送遊龍

烏由禪師因文紹二上座來參師問下禪伯發足甚麼處
云江西師遂拈拄杖打云久知和尚有此機要師云你
既不會後面箇僧祇對看紹擬近前師便打云信知同坑
無異土參堂去

雪竇顯云宗師眼自須至恁麼如金翅壁海直取龍吞
有般漢眼自未辨東西拄杖未知顛倒只管說照用同
時人境俱奪 大漁師云烏白大似巨靈逞壁大花之
威蒼龍展奪珠之勢直得乾坤失色乃拈拄杖云諸人
還識烏由麼若也識去橫撥鎖鑰袋中獨據若也未識
棒頭有眼明如日卓拄杖一下 曹源生云顯大機明

大用奮寰中意氣運閭外籌畧則不無烏白檢點將來
未是本分草料若要據令而行盡大地一時蒸却何故
寸釘入木

鼓山珪頌云赤身挨白乃死中還得活一箭自迷蹤萬
車皆喪轍 徑山果云猛焰不容蚊蚋泊大海那能痛
死屍任是三頭并六臂望風無不豎降旗

○棒喝

南泉願禪師示眾云文殊普賢昨夜三更起佛見法見無
以與二十棒趁出院也趙州出眾云和尚棒教誰打師云
王述師過在甚處州乃作禮師便歸方丈
雲門代云深領和尚慈悲某甲歸衣鉢下得箇安樂入
代云與眾除害 玄覺云且道趙州休去是皆南泉不

晉南泉 五祖演云白雲則具大慈悲遂拍手云身殊
室利普賢大士不審不審今後更敢也無自云一度被
蛇傷怕見斷井索 夾山齡云南泉一期建俊手捺平
地生堆趙州雖則覲面投機不免腦門著地 佛鑑勸
云大似無手人行拳無口人叫喚無手人掩著無口人
口無口人咬著無手人手恁麼會得方知道法性不動
動徧三界之中至理無言言滿四天之下若也不會紅
塵飛碧海白浪湧青岑 徑山果云南泉無過口能招
禍趙州禮拜草賊大敗徑山不營結案據款又殊普賢
且過一邊
佛燈珞頌云鴛鴦綉出世無雙好手元來更有強呈罷
各歸香閣去金針難托度蕭郎 佛由元云普賢昨夜

闍文殊趁出還同兩手杖却得趙州行正令從茲王老
下時無 佛鑑勸云彩雲影裏偈人現學用紅羅扇遮
面無人著眼看偈人却看隨後紅羅扇
烏臼禪師問僧近離甚處云定州師云定州法道何以這
裏云不別師云若不別更轉彼中去便打僧云棒頭有眼
不得草草打入師云今日打者一箇也又打三下僧便出
去師云屈棒元來有人喫在云手捺柄在和尚手裏師
云汝若要山僧回與汝僧近前奪師手中棒打師三下師
云屈棒屈棒僧云有人喫在師云草草打著箇漢僧禮拜
師云却與麼去也僧大笑而出師云消得恁麼消得恁麼
重寶顯頌云呼即易遣即難互換機鋒子細看劫石固
來猶可壞滄溟深處立須乾烏臼老烏臼老幾何般與

他物柄太無端

德山鑿禪師初在蜀講金剛經故號周金剛後聞南方禪宗遂滿車載疏鈔出蜀初見龍潭問答俱由出世德山不立佛殿凡見僧入門便棒

白雲端頌云突出雙頭卒辨難普將一擊碎灌關自從天下太平後流落人間號德山海印信云德山棒劃

斷聖凡魔膽喪善能方便持虎鬚忿怒那叱亦摧蕩

大洪恩云一棒一條痕辛酸不可論丈夫多意氣幾箇是知恩雲蓋昌云德嶠分明顯大奇棒頭揮出絕離

微令行佛祖無空過一似輪王握萬機無畫居士云

一條柳栗倚書夫別向三乘教外傳未脫眼時遭八百擬開口處著三千大洪遂云驟雨迅雷擊雲興電影

隨將軍雖有令何似帝堯時徑山果云入門便棒耶

當不少依而行之胡麻所織

德山小衆示衆云今夜不答話問話者三十棒時有僧出作禮師便打僧云某甲話也未問為甚便打師云你是甚處人云新羅人師云未踏船舷時好與三十棒

法眼云大小德山話作兩極德山審云大小德山龍

頭蛇尾雲實顯云此一尊宿雖善裁長補短捨重從

輕要見德山老漢亦未可在何故殊不知德山握闌外之威謹有當斷不斷不招其亂底劍諸人還識新羅僧

麼只是撞著露柱底瞎漢芭蕉云作死馬醫琅琊

覺云德山何似覆春冰雖然如此如猫弄鼠木為話云德山大似清平世界鋸甲磨鎗這僧不惜性命身按

白刃法眼道話作兩極大似藥病相治圓明若龍頭蛇尾也是金鎗難辨雪竇道撞着露柱底瞎漢齋斷衆流如今還有人與新羅僧作主麼出來與天鴻相見及豎拂云去去西天路迢迢十萬餘佛印元頌云德山自得任公手一線分明下兩鈎透網金鱗繞弄水岸邊還把釣絲收更古佛云橫按鐵錐屈闌外當鋒誰敢犯重圍堪羨新羅箇衲子全機破敵也光輝寶峯照云煙塵掃蕩將軍令正勅流行宣德音公子只知飲既醉夜深還被活生擒枯木成云裨令全提孰敢論纖塵纒動陷關津這僧不辨箇時節爲法立身有幾人

隋濟去禪師初在黃檗三年因首座即也教令去問黃檗

如何是佛法的的大意檗便打二十拄杖如是三問三被打既不契遂辭去首座密啓黃檗云問話上座非凡他日可爲一株大樹蔭覆天下人去在來辭時望方便指引師辭檗云不須他去只往高安大愚處去師到大愚愚問其來師云黃檗來愚云有何言句師舉前話復云未審某甲過在甚麼處愚云黃檗與麼老婆心切爲汝得微因猶寬過在師於是大悟乃云元來黃檗佛法無多子愚乃扣住云尿牀子適來道有過無過而今又道佛法無多子是多少道道師於愚肋下築三拳愚托開云汝師黃檗非干我事師即便返黃檗檗問來來去去有甚了期師云只爲老婆心切遂舉前話檗云大愚老婆心切待來與一頓師云說甚待來只今便與遂打黃檗一掌檗吟吟大笑云

風顛漢却來這裏持虎鬚參堂去

鴻山問仰山云臨濟得木患力黃檗力仰云非但持虎

鬚亦解坐虎頭應庵花云你諸人還覩得透也未直

饒一咬便斷也未是木丈夫漢三世諸佛口掛壁上天

下老和尚將甚麼喫

由雲端頌云一拳拳倒黃鶴樓一踢踢翻鸚鵡洲有意

氣時添意氣不風流也風流保寧勇云雷電喧轟

海嶽昏千家愁閉雨中門狂風忽起烏雲散白日滿天

星斗分黃檗勝云叢林猛烈是黃檗拈棒便打途中

客回到木患却知恩老婆面上與一擲真淨文云便

言黃檗無多事木丈夫兒豈自取脇下三拳明有信不

從黃檗付將來佛眼速云孽開花嶽連天色放出

河倒海聲驚驢死後高枝折木也如今有幾人天童

贊云九包之雖千里之賦真風震奮幾發極勇面來

時飛電急迷雲破處太陽孤捋虎鬚見也無角是雄雄

大丈夫

臨濟出世後唯以棒喝示徒九見僧入門便喝

海印清頌云臨濟喝霹靂一聲那腦裂忽然透山蒼龍

穴擊碎明珠初角折佛國由云當幾喝喝震春雷萬

變龍蛇眼豁開忽若翻身無伎倆任從千古卧塵埃

木洪恩云入門便喝已是怕怕無限杜禪和猶更論該

林指音融平云赫日光中轟然霹靂禹門浪急風高無

眼鱗鱗點額佛燈珣云張公未醉李公扶從此佳聲

蒲道途却被金剛開口笑誰能愛你護身符徑山果

云八門便喝全無巴鼻引得兒孫弄粥飯氣
臨濟聞德山示衆云道道道得也三十棒道不得也三十
棒師令侍者即洛也去問爲甚麼道得也三十棒道不得也
三十棒他若打汝汝便接住推一推着他如何侍者如教
至彼問山便打者接住推一推山便歸方丈閉却門者回
舉似師師云我從來疑著這漢雖然如是汝還見德山麼
者擬議師便打

巖頭云德山尋常只據目前一箇拄杖子佛來也打祖
來也打爭奈較些子東禪齊云只如臨濟道我從來
疑著這漢是肯底語不音語爲當別有道理試斷看
海印信頌云單于自負藝過人小將教詔去似真到彼
果然贏小捷回來未免陷全身佛鑑勸云譬若金鑪能

鸚鵡兒滿如紅玉一青衣雖然學得人言語問著元來
總不知

臨濟問僧甚麼處來僧便喝師便揖坐僧擬議師便打又
一僧來師豎起拂子僧禮拜師便打復見一僧來師亦豎
起拂子僧不顧師亦打

鼓山珪頌云主賓都落第三機陣陣開旗不展旗石火
光中分勝負倒騎鐵馬上須彌徑山果云五月五日
午時書赤口毒舌盡消滅更饒急急如律令不須閉上
盡蜘蛛於源音云閃電光中賓主分虛空背上立網
宗祖師活計只如此後代兒孫掃地空
臨濟一日問僧云有時一喝如金剛王寶劍有時一喝如
踞地獅子有時一喝如採竿影草有時一喝不作一喝用

汝作麼生會僧擬議師便喝

汾陽昭頌云金剛寶劍最威雄一喝能摧萬刃鋒遍地
乾坤皆失色須彌倒插半空中金毛踏地界威全一喝
能令喪膽魂嶽頂峯高人不見猿啼白日更黃昏詞鋒
探草辨當人一喝須知見有真大海淵澄含萬象休將
牛跡比功深一喝當陽勢自彰諸方盡有好商量盈衢
盜路歌謠者古往今來不變常 劍門庵主云是米穿
鑿不相干四喝諸方莫錯看六道四生平等法牧童吹
笛過前山

睢州跋禪師問僧近離甚處僧便喝師云老僧被你一喝
僧又喝師云三喝四喝後作麼生僧無語師便打云這掠
虛漢

應庵華云叢林中商量道他三喝四喝後如何便與放
倒禪牀不然拽坐具劈口搥不然拂袖便行不然更與
一喝恁麼說話要稱爲達摩兒孫大遠在漆桶參堂云
聖寶顯頌云兩喝與三喝作者知機變若謂騎虎頭二
俱成瞎漢誰瞎漢拈來天下與人看

睢州見僧來云見成公案放你三十棒禪人云作僧云
某甲如是師云寺門前金剛爲甚麼豎拳云金剛尚乃死
是師便打趁出云這掠虛漢
雲門云睢州正恁麼時天下人披枷帶鎖 徑山果云
雖然無孔笛撞著檀拍板直是五音調得六律諧和子
細檢點將來未免傍觀者哂且道誰是傍觀者良久云
不得動著動著打你驢腰

覺海无頌云見成公案未除瑕放過方能脫鎖枷四海
澄清人富庶更求石上種油麻海印信云呼蛇易遣
蛇難袖裏金鏈不易看長安夜夜家家月誰知愁樂有
多般佛燈珣云見成公案便相當秤則秤分斗則量
非較當年三十棒至今平步也

霍山通禪師因到仲山前乃翹一足云西天二十八祖亦
如是唐土六祖亦如是和尚亦如是某甲亦如是仲山下
禪杖打四下藤條一本

雪竇顯云藤條未到折因甚麼只與四下須是箇斬釘
截鐵漢始得翠巖老云亦不得作賞亦不得作罰如
今作麼生會樓賢連云且仲山打伊四藤條是何道
理莫是打伊不會真是打伊說道理若恁麼會何曾夢

見山僧道苦對連根苦甜徹帶甜

野軒道頌云集雲峯下四藤條幾嶮當時打折腰甚矣
後來稱猛將只知空說霍嫖姚保寧勇云竺國支那

咸印定更無毫髮可參差眼橫鼻直宣天下頓頓殘羹
永不飽圍通偈云集雲峯下四藤高打破潼川路一

條似鶴似雲天地外如龍如鳳在煙霄

通禪師到霍山自云集雲峯下四藤條天下大禪佛參山
乃喚維那云打鐘者師便走

雪竇顯云這漢雖見機而變爭奈有頭無尾

圍通偈頌云藤條喫了任閑遊未到牢關未肯休打鼓
打鐘俱是令知機識變有誰儔

興化讓禪師陞堂云今日不用如何若何便請單刀直入

興化與你證據時是德長老出禮拜起便喝師亦喝德又
喝師亦喝德禮拜師云若是別人三十棒一棒也較不得
何故為他是德會一喝不作一喝用便下座

首山念云看他興化與麻作用為甚麼放得伊過諸上
座且道甚麼處是一喝不作一喝用是前一喝是後一
喝那箇是賓那箇是主雖然如此也須子細始得良久
云二俱有過二俱無過珍重 琅琊覺云且道那一喝
不作一喝用興化若無後語疑殺天下人雖然如是曉
者還稀 松源岳云興化勾賦破家曼德把髻投衙更
道他會一喝不作一喝用不知凌滅我臨濟宗風不見
道你家不碎呀碎呀同時失

海印作頌云龍虎相交是底時未容擬議已參差分明

一喝不作用却使禪人特地疑 雲溪棊云憐龍出水

虎離山四起風旋萬頃煙若具阿那律正眼橫身三果

背摩天 鼓山珪云單刀直入不須論擬議之間實主

分不得放他曼德過須知興化棒頭親 徑山果云猶

中獲手上高山及至天明各自行無限途中未歸客明

明開眼墮深坑

興化因同參來纜上法堂師便喝僧亦喝行三兩步師又
喝僧亦喝須臾近前師拈棒僧又喝師云你看這瞎漢猶
作主在僧擬議師便打直打下法堂師却歸方丈有僧問
適來僧有甚言句觸忤和尚師云是他適來也有權也有
實也有照也有用我將手向伊面前劃一劃到這裏却用
不得似這瞎漢不打更待幾時

圓悟勸云十王庫刀振塗毒鼓掣電未足以擬其迅震
雷未足以方其威可謂善驅耕夫之牛能奪飢人之食
只如主賓互換有照有用有權有實則且置甚處是與
化將手向伊面前劃一劃若這裏洞明可以荷負臨濟
正法眼藏如或泥水未分未免瞎驢趁大隊 應庵花
興云興化閉牆千仞從來家法森嚴這僧暗透重關要看
洞中春色好則好未免二俱失利祇如興化道我將手
向伊面前劃一劃又你麼生天堂未就地獄先成
鼓山珪頌云霹靂驚天地那容掩耳聽須知興化老一
半是人情退庵休云恰如劊子氣雄豪便向咽喉下
一刀五臟肝心皆書出方知王法不相饒 徑山東云
鎮鄒在握天魔膽落明眼衲僧休更卜度 劍門庵主

云長松不改四時青縱奪當機幾箇明陣敗不禁若等
掃眼中瞳子面前人 興化謂眾云我聞長廊下也喝後架裏也喝諸子汝莫言
喝亂喝直饒喝得興化上三十三天却撲下來一點氣也
無待興化蘇息起來向汝道未在何故如此我未曾向紫
羅帳裏撒真珠與你諸人去在 你虛空裏胡喝亂喝作甚
麼
佛性赤云驅耕夫牛奪飢人食擊碎明月珠敲出鳳凰
髓可謂富貴中富貴風流中風流藹藹嘉聲迄今未已
敢問大眾只如興化道未曾向紫羅帳裡撒真珠作麼
生會或若總道咄我也知你跳不出 水庵云興化
是則是天似如飢喫鹽若是翠雲則不然待你喝得翠

雲山振動却向伊道弄粥飯氣
鼓山珪頌云紫羅帳裏撒真珠禪客相承總掠虛拍手
呵呵開口笑釋迦彌勒是他奴徑山果云對衆全提
摩竭公豈是閑閑兩片皮喝下瞎驢成隊走夢中推倒
五須彌
揚岐會禪師問慈明幽鳥語喃喃辭雲入亂峯時如何明
云我行荒草裡汝又入深村師云官不容針無借一問明
便喝師云好喝明又喝師亦喝明連喝兩喝師便禮拜
松源岳云二人父子譬如弄珠不觸其手不墮其地不
往於空亦無玄妙箇裏如何取眼喝一喝
白雲端頌云將出驪珠遇大商金盤撥動有餘光無煩
一句論高價把手歸家笑幾場

禪林類聚卷第七

圓相

對機

賓主

家風

圓相

南泉願禪師與歸宗麻谷同往謁忠國師至中路師於地
上畫一圓相云道得即去宗於圓相中坐谷便作女人拜
師去與麼則不去也宗云是甚麼心行師乃相喚回不去
禮國師
玄覺云只如南泉恁麼道是肯底語不肯底語 雲居
錫云比來去禮拜國師南泉爲甚麼却相喚回且道古
人意作麼生 雲居无云歸宗麻谷氣宇如玉落在南
泉圈裏當時見他畫圓相拂袖便行直饒南泉更有神

通也較三千里。保寧勇別歸宗拍手大笑便起去。天童覺云我當時若見便與撥却圓相不唯打破南泉窠窟亦乃教歸宗無著身處麻谷呈伎倆不得泉云與麼則不去也果然果然。汾陽昭頌云國師欲見義多般圓坐端居拜請看下去同音聞便解又經行陣奪旗旛。雪竇顯云由基箭射猿繞樹何太直千箇與萬箇是誰曾中的相呼相喚歸去來曹溪路上休登陟復云曹溪路坦平為甚麼休登陟。保寧勇云漫漫大地盈尺雪江湖一片難分別漁父披蓑月下歸誰道夜行人路絕。大瀉禪師因令僧馳書上王常侍王看書了乃問和尚近日有何言向僧云有僧問如何是祖師西來意師豎起

拂子王云彼中兄弟如何商量云借色明心附物顯理王云不是這箇道理上座快回山去好某甲有回書到和尚處僧得書遂回持上師師拆開見中畫一圓相內寫箇日字師云誰知千里外有箇知音仰山侍次乃云雖然如是也祇是箇俗漢師云子又作麼生仰却畫一圓相於中書箇日字却以脚抹著師乃大笑小異本保寧勇頌云南星北斗總移位四海九州如鼎沸波斯又匪王鼻拄天樓至如來脚踏地。仰山寂禪師一日有梵僧來師於地上畫半月相僧近前添作圓相以脚抹却師展兩手僧拂袖便出。承天簡云仰山大似瘧子喫苦瓜。圓悟勤云以膠投漆將鹽入醬羽毛相似體段一般雖然如是大小仰山

被箇梵僧勘破

木覺十頌云寂子偶逢穿耳客曾將半月示伊家僧添
半月翻然去知道親逢小釋迦

仰山在洪州石亭驛後坐次有僧問和尚還識字不師云
隨分僧乃右旋一匝云是甚麼字師於地上書箇十字僧
又左旋一匝云是甚麼字師改十字作卍字僧畫一圓相
以兩手托如脩羅掌日月勢云是甚麼字師乃畫圓相圍
却卍字僧乃作樓至勢師云如是如是此是諸佛之所護
念汝亦如是吾亦如是善自護持其僧禮拜騰空而去
天童覺頌云道環之虛鑿盈空印之字未形妙運天輪
地軸密羅武緯文經放開掛聚獨立周行機發玄樞步
青天激電眼含紫光兮白日見星

資福寶禪師因陳操尚書來師便畫一圓相陳云弟子與
麼來鼻是不著便那堪更畫圓相師於中著一點陳云將
謂是南番船主師便歸方丈闔却門

木馮詰云資福雖是本分爐鞴爭奈陳操是煨了精金
諸人要識資福麼等閑擲一釣驚動碧波龍虎立隆
云資福買鐵得金一場富貴是則是爭奈公案未了
日諸大士入山相見山僧不畫圓相亦不掩却方丈門
且道與資福老人是一是二還知落處麼竹院相逢無
一事大家同喫趙州茶應庵華云雖然如是若到无
重門下味放過在當時待陳操尚書道弟子恁麼來畢
是不著便那堪更畫圓相天童大開東閣明牕下如法
安排何故門內有君子門外君子至

雲寶顯頌云團團珠繞玉珊珊馬載驢馳上鐵船分付
海山無事客釣鼈時下一捲掌師復云天下衲僧跳不
出
美福寶禪師僧問如何是古人歌師乃畫圓相對之
投子青頌云一曲兩曲深夜彈松風和雨過前山可憐
卞玉離荆岫誰是知音却取還

●對機

石頭遷禪師問青原云和尚自離曹溪甚時到此間住原
云我却不知汝甚時離曹溪師云某甲不從曹溪來原云
我已知汝來處了也師云和尚却是大人且莫造次
卞震溥頌云木人來問青霄路玉女年尊似不聞携手
黃柏歸故國暮山窮處鎖重關

百丈海禪師因瀉山五峯雲巖侍立次師問瀉山併却咽
喉唇吻作麼生道瀉云却請和尚道師云我不辭向汝道
恐已後喪我兒孫師又問五峯峯云和尚也須併却師云
無人處斫額望汝師又問雲巖巖云和尚有也未師云喪
我兒孫

雲寶顯頌云却請和尚道虎頭生角出蒼草十洲春盡
花凋殘珊瑚樹林日杲杲和尚也併却龍蛇陣上看謀
畧令人長憶李將軍萬里天邊飛一鸞和尚有也未金
毛獅子不踞地兩兩三三舊路行大雄山上空彈指
保寧勇云三箇兒郎總長成大家將本各經營其間消
折兄嫌弟也有贏錢弟怨兄佛鐵勳云却請和尚道
千人萬人所不到杲日朦朧海面紅清風凜凜霜天曉

和尚也併却後人要踏前人脚其餘利鈍不同途畢竟
到頭輸一著和尚有也未且向自身明見地未能展翼
逆風飛少逐青雲千里志
南泉願禪師問黃檗定慧等學明見佛性是不檗云十二
時中不依倚一物師云莫便是長老見處不檗云不敢師
云漿水錢且置草鞋錢教誰還檗不對
馮山問仰山云莫是黃檗構南泉不得麼仰云不然須
知黃檗有陷虎之機馮云子見處得與麼長保福展
云若無馮仰埋沒著黃檗五祖戒云仰山大似為蛇
盡足雲峰悅云若不同牀卧焉知被裏穿
知佛眼遠頌云問答分明已切確幾人於此見諸訛少年
俱決龍蛇陣老倒同吟稚子歌佛鑑勸云昨夜銀蟾

跨箕毫驀然一陣天風起捲盡千重萬重雲碧空寂寂
疑如水海印信云兩陣交鋒戰不難埋兵調鬪何人
曉只解輪鎗趁勢來喪身失命有多少佛慧泉云獵
獵奔馳勢不休草深風勁更堪愁翻身獅子無尋處空
使行人說路頭
馮山問仰山終日與子商量成得箇甚麼邊事仰山於空
中劃一劃師云若不是吾終被子感
佛印元頌云盡日商量古佛言當時一劃却成窻至今
尚有馮山在真道宗枝絕子孫地藏恩云松直棘曲
烏玄鶴白未後商量空中一劃若言向上玄關走殺諸
方禪客
趙州一日問南泉明頭合脂頭合泉便歸方丈師歸堂去

云這老和尚被我一問直得無言可對首座云莫道和尚無言自是上座不會師便與首座一掌云這一掌合是堂上老漢喫

五祖戒云正賊走却羅賊人喫棒又云南泉當斷不斷返招其亂 雲居辨云你諸人作麼生會諸人會處便道首座落他趙州綵續與麼會又爭得大愚道趙州大似傍若無人

保寧勇頌云大事當陽已皎然十分須是更周圍堂中上座黑如漆冷地為誰喫暗拳

趙州曾問南泉離四句絕百非請師道泉便下座歸方丈師云這老漢尋常口吧吧地今日被我一問直得無言可對侍者云莫道和尚無語好師便與一擲云這一擲合是

王老師喫

圓悟勤云明頭合暗頭合本分綱宗據虎頭仗虎尾作家手段雖然如是要且落在第一頭

智門祿頌云離却四句絕百非作者相識識得伊跳下禪牀便歸去從他鷄子搏天飛

道吾智禪師到五峯峯問還識藥山老宿麼師云不識峯云為甚麼不識師云不識不識

丹霞淳頌云白雲深處路難通擬問蹤由已涉功掛角羈羊無影跡從容還落正偏中

黃連禪師僧問如何是聲前一句師云聲前無句聲後問將來

披子青頌云空劫前時曠路閑聲前無句信人難欲寫

滄浪白雲曲且看石人露半頭

巖頭語禪師因羅山問起滅不停時如何師乃咄云是誰起滅

松源普云古人慈悲之故有落草之談薦福即不然忽問起滅不停時如何但與一喝

天童覺頌云斫斷老葛藤打破狐窠窟豹披霧而變文龍乘雷而換骨咄起滅紛紛是何物

崇福志禪師僧問如何是寬廓之言師云無舌人道得投子青頌云寬廓言時不犯舌清風高韻碧雲斜石人貪話西峯事不覺東巖起霧遮

廣德義禪師僧問古人云言語道斷非去來今此理如何師云彌勒涅槃知幾劫護明僧未降迦維

丹霞溥頌云妙湛圓明第一機降生成道涅槃時迦維

摩竭變林樹認著元來不是伊

雲門偃禪師問乾峯云請師答話峯云到老僧也未師云恁麼則某甲在遠也峯云恁麼那恁麼那師云將謂候白更有猴異

應庵華云二老宿一等相見就中奇特光孝今日為諸人說道理一徧將謂春歸無覓處不知還入此中來

禾童覺頌云絃苦相銜網珠相對發百中而箭箭不虛攝眾景而光光無礙得言句之總持住遊戲之三昧妙

其間也宛轉偏圓必如是也縱橫自在雲門僧問如何是啐啄之機師云響

真清文頌云有問啐啄機雲門答云響昨日雷震天夜

來山水長。圓通偈云：吟咏之機響字酬。過空雷電忽
傾秋夜來。雲霧漫天雨。幾處波濤打釣舟。
雲門僧問：不是目前機。亦非目前事。時如何。師云：倒一說。
靈寶顯頌云：倒一說。分一節。同死同生為君。決八萬四
千非。鳳毛三十三人入虎窟。別別擾擾忍忍水裏月。
正覺逸云：倒一說。清人骨。萬里無片雲。拋下一團雪。別
別老大禪翁。其滅舌。野軒道云：倒一說。這箇舌無端。
都把天機泄。四海九州徒蹶蹶。飛出龍宮鑽蠟穴。
雲門僧問：如何是沙門行。師云：會不得。云：為甚麼會不得。
師云：祇字會不得。
智門祇頌云：君問沙門行。沙門行最高。若教入會得。業
性卒難逃。

南院顯禪師上堂云：赤肉團上壁立萬仞。時有僧出問：赤
肉團上壁立萬仞。豈不是和尚道。師云：是僧便掀倒。繩牀
師云：你看這漢亂做。僧擬議。師便打。趁出院。
應庵華云：也是勾賊破家。若非這僧敢採虎鬚。早見南
院汗馬功高。雖然明果更資一路。赤肉團上壁立萬仞。
未若有僧出。劈脊便打。何故殺人力活人。劍具眼者看。
非塗毒叢云：莫信直中直。須防仁不仁。這僧雖亂逞英雄。
南院是作家手段。然而美則美矣。若是徑山。即不然。纔
見他道是和尚語。不隨聲便打。何也。驗人端的處。下口
便知音。松源岳云：這僧一味小心。放大膽。南院老也。
是養子之緣。
鼓山珙頌云：掌中擎白日。舌上覆金錢。壁立萬仞。毫

光徹梵天。徑山果云赤肉團邊用得親。王賓有理各難伸。兩箇驢子相逢著。世上如今無直人。

金峯志禪師僧問四海晏清時如何師云猶是階下漢。丹霞淨頌云四海煙塵已晏然。當軒皓月照人寒。大功不賜將軍賞。寶馬金鎗頓懶觀。

報慈嶼禪師僧問承古有言情生智隔想變體殊。只如情未生時如何師云隔云情既未生隔箇甚麼師云這稍郎子未遇人在。

琅琊覺云報慈不妨入泥入水。若據衲僧門下遠之遠矣。黃龍新云報慈也是小慈妨。大慈這僧還同受屈。稍郎子未遇人在。今時人徃徃作是非會。却不作是非會。如何。理論良久云。天上有星皆拱北。人間無水不相

東。開福寧云報慈一隔佛祖命脉。放去收來聖凡罔

測。隔不隔若為陳。檐取詩書歸舊隱。野花啼鳥一般春。天衣懷頌云報慈一隔衲僧命脉。欲識一貫兩箇伍伯

白雲端云無情猶隔若為通。絲髮之間路萬重。可惜兩頭空。走者不能直下見其宗。木中德云隔青天無雲

轟霹靂。叢林衲子如稻麻。不知幾箇遷隘客。

青峯楚禪師僧問大事已成。為甚麼也。如喪考妣。師云不

得春風。花不開。及至花開。又吹落。丹霞淨頌云家山歸到莫因循。竭力寅昏奉二親。機盡功忘恩義斷。便成不孝闡提人。

上藍起禪師僧問如何是上藍本分事。師云不從千聖借。豈向萬機求。云不借不求時如何。師云不可拈放。闍梨手

裏得麼

丹霞淳頌云，一片虛明本妙圓，箇中非正亦非偏。寶峯瑞草無根蒂，不待春功色自鮮。

木原乎上座初到，雪峯纔上法堂，顧視雪峯便下去。見知事明日却上方丈作禮云，昨日觸忤和尚，峰云知是般事，便休。後有僧問雲門作麼生，是觸忤處，門便打。

雪竇顯於見知事，颺云一千五百人善知識，被乎老一颺便高豎降旗，又於便休颺云果然於未後云打得百千萬億箇，有甚麼用，颺直須盡大地人喫棒，方可扶豎。

雪峯且道乎上座具甚麼眼。

海印信頌云，李廣將軍古今無對，深入虜庭全身遠害，不動干戈，贏小捷至今邊塞嘉聲在。

重雲禪師僧問如何是歸根得旨，師云早時忘却，不憶塵生。

投子青頌云，家破人亡何處依，無心無緒話求歸。十年忘盡來時路，暫憶些兒總不知。

蜀州西禪禪師僧問如何是非思量處，師云誰見虛空夜點頭。

丹霞淳頌云，一點靈明六不收，昭然何用更疑眸。箇中消息人難委，獨有虛空暗點頭。

瑞巖禪師問來山與麼即，易不與麼即，難與麼即，難與麼即，惺惺不與麼，不與麼即，吾空界與麼，不與麼請師速道。山云老僧謾闍梨去也，師便喝云這老和尚是甚麼時節便出去，後有僧舉似巖頭頭云苦哉，將我一枝佛法與麼流。

將去

佛鑑勲云瑞巖恁麼問風不鳴條來山恁麼答兩不破
塊巖頭恁麼說話嘉禾合穗野老謳歌雖然如此認之
悟在何故世事但將公道斷人心難與月輪齊木滿
智云瑞巖問處款出因口來山逢人展手巖頭有判斷
手段今古流輝雖然如是各自有據檢點將來無風起
浪

○白雲禪師僧問如何是深深處師云矮子渡深溪
丹霞淳頌云白頭童子智尤長半夜三更渡渺茫任蓮
花來無間斷不消船艇與浮囊
風穴到黃龍龍問石角穿雲路垂條意若何師云紅霞籠
玉像擁嶂照川原云恁麼則相隨來也師云和尚低聲

投子青頌云無價明珠暗處懸夜深將把木人穿誰知
却被泥牛見吞入紅霞碧浪淵

同安志禪師僧問二機不到處如何舉唱師云偏處下逢
玄中不失

丹霞淳頌云這邊那畔總難逢一句無私不與中紅日
暮沈西嶂外空留孤影照溪東

法眼問修山主毫釐有差天地懸隔是如何修云毫釐有
差天地懸隔師云與麼道又爭得修云某甲只與麼師兄

作麼生師云毫釐有差天地懸隔修遂禮拜
東禪齊云山主恁麼相對為甚麼不肯及乎再請益法

眼亦只恁麼道使得去且道疑訛在甚麼處若看得透
道上座有來由五祖出法眼劈脊便打保寧身代

修山主云：恁麼會又爭得。元豐蒲云：噫許大修山主
被泥彈子換了眼睛，還知麼？復云：後面禮拜也是傳因
長智。徑山果云：法眼與修山主絲來線去，綿綿密密，
拱堅地藏門風，可謂滿目光生。若是德山臨濟門下更
買草鞋行脚，始得爲甚如此。毫釐有差，天地懸隔甚處，
得這箇消息來。

汾陽昭鑒云：宗師故故問同人，一擊毫釐兩路分，再審
便能明的首自然清白不從聞。保寧勇云：石城親切
問，同參不語東西，便指南明暗兩條來往路，依稀屈曲
在煙嵐。正覺遠云：堪悲堪笑修山主，因地起兮因地
倒，觀面難藏第一機，令人却憶雲門老。佛印元云：六
國當時已太平，太平纜久不知兵，修公換得長蛇陣，天

下人人會死生。天童覺云：秤頭蠅坐便欺漢，萬世薩
衡照不平，方兩錙銖見端的，終歸輸我定盤星。

法眼僧問：如何是塵劫來事？師云：盡在于今。
楊次公頌云：塵劫來事盡在于今，祖師不會面壁沈吟。
梁山觀禪師僧問：如何是日用事？師云：碧五點破瑠璃色，
滿目紅塵不見沙。

丹霞淳頌云：劫火洞然無相宅，金門不覩玉樓家，寶天
雲澹銀河冷，浩浩波瀾豈動沙。

黃蘗慧禪師謁疎山，正值坐法堂，參次師先顧視木衆，然
後設問云：刹那便去時如何？山云：通塞虛空你依麼生去？
師云：通塞虛空不如不去，山休去。師下，至僧堂前，首座謂
師云：適觀上座抵對和尚語甚奇特。師云：此乃率爾實自。

偶然敢望慈悲開示愚迷座云一刹那間還有疑議也無
師於言下有省

西禪需頌云通塞虛空不如不去前後際斷今亦無住
倒騎佛殿出三門却把三門掛露柱

五祖演禪師凡見僧來便云屈屈僧云屈作甚麼師云如
今不屈更待何時

佛眼遠頌云盡力不奈何按牛頭喫草若無錦綉文難
以論嘉藥

黃龍南禪師僧問不去不來時如何師云華嶽三峰頭倒
鼻云却去却來時如何師云風吹柳絮毛毬毬

靈光蕪頌云冰雪肌膚西舍女梳粧巧巧畫雙眉傍人
筆力強傳寫不外如何見得伊

● 賓主

曹山本寂禪師僧問五位對賓師云汝今問那箇位云某
甲從偏位中來請師正位中接師云不接云爲甚麼不接
師云恐落偏位中去師復問僧祇如不接是對賓是不對
賓云早是對賓了也師云如是如是

丹霞淳頌云月中玉兔夜懷胎日裏金烏朝抱卵黑漆
崑崙踏雪行轉身打破瑠璃椀

瑞巖彦禪師一生常坐每自喚云主人公復自應諾乃云
惺惺著他時莫受人瞞後有僧到玄沙沙問近離甚處云
瑞巖沙云有何言句示人僧舉前話沙云一等是弄精魂
也甚奇恠復云何不且在彼中云已遷化也沙云而今遷
喚得應麼僧無對

雪竇顯云蒼天蒼天

雲峯悅云鬼窟裏作活計却問

傍僧云你還識瑞巖老漢麼僧無對師云蒼天蒼天

保寧勇代云和尚因甚對面不聞

佛國白頌云一生長喚主人公不受人瞞迥不同今日

惺惺何處去蒲山松栢起悲風祖印明云彎彎新月

聚三皇誰信心王本自寧可笑瑞巖方丈老夜深吟喚

強惺惺鼓山珪云一主人公死一主人公活若解弄

精魂兩頭皆透脫白楊順云自呼自應已惺惺不受

欺瞞理不輕池內白蓮香未已簷前山色四時青

長慶稜禪師僧問有問有答賓主聲然不問不答時如何

師云相逢盡道休官去林下何曾見一人

智門祚頌云人人盡道我心休問著何曾有地頭只說

心違瞞自己業河迅速任漂流

○家風

大隋真禪師僧問如何是和尙家風師云赤土盡簸箕云

未審此理如何師云簸箕有唇米跳不出

南堂靜頌云赤土盡簸箕團團無縫罅佛眼觀不見海

神不知價簸土揚塵無處尋山高海闊白雲深應庵

華云簸箕有唇米跳不出天下衲僧赤髻更須發轉

上頭關十方世界黑似漆

韶山普禪師僧問如何是和尙家風師云絕頂無根草無

風葉自搖

丹霞溥頌云妙峯孤頂偏肥膩天產靈苗不觸地翠葉

無風常自搖清香那逐春光媚

育王山通禪師僧問如何是和尚家風師云渾身不直五文錢云太貧寒生師云古代如此云如何施設師云隨家豐儉

丹霞淳頌云祖代家風沒一文清貧中是更清貧著衣喫飯隨豐儉物物頭頭用最親

雲門偃禪師僧問如何是和尚家風師云門外讀書人報來

徑山泉云讀書人已在這裏且作麼生與伊相見乃顧視左右云不是冤家不聚頭

智門祇頌云叢林在處有家風且與雲門事不同門外若有讀書者任是顏回亦不通 佛慧泉云讀書人到切須看無絃難遇知音者帶的家風說與君沒些趨進

翼如也

同安丕禪師僧問如何是和尚家風師云金雞抱子歸霄漢玉兔懷胎入紫微云忽遇客來將何祇待師云金粟早朝猿摘去玉花晚後鳳嚙來

圓悟勤云峭措不姑峭措風流且是風流偏正五位君臣言中不妨諱當雖然如是曹洞門下光前絕後臨濟宗風豈容回互若有人問將山如何是和尚家風對他道開口見膽忽遇客來如何祇待跳底金剛圈吞底栗棘蓬 微庵勸云廣福即不然有問如何是和尚家風只向道翠竹叢邊歌款乃碧巖深處卧煙蘿忽遇客來將何祇待沒底藍兒盛白月無心盤子貯清風 徑山泉云同安家風不妨奇恠徑山家風又且不然或有問

如何是和尚家風，即向他道齋時，鉢和羅飯，禪道是非都不知，忽遇客來，將何祇待？蒸餅飢飽。

丹霞淳頌云：日午煙凝山突岫，夜央天淡月嬋娟。澹然寂照寒宵永，明暗圓融未兆前。

石門蘊禪師僧問：如何是和尚家風？師云：拋外獨騎千里象，萬年松下擊金鐘。

丹霞淳頌云：夜明簾外月朦朧，騎象翻身擊寶鐘。洪韻上騰三界外，聳夫何事睡猶濃。

大陽玄禪師僧問：如何是和尚家風？師云：滿瓶傾不出大地，沒箇人。

丹霞淳頌云：荆山美玉何須辨，赤水玄珠不用拈。用象無心黃帝重，卞和有智楚王嫌。

禪林類聚卷第八

經教

看經

講經

論義

祖偈

○經教

世尊滅後，諸聖弟子於畢鉢巖中結集法藏。阿難既降坐，形儀與佛無殊。大衆遂生三疑：一疑阿難成佛，二疑佛再現身，三疑他方佛化。阿難唱云：如是我聞，衆疑皆息。

五祖演云：當時若有箇漢出衆云：大衆依而行之，各自散去，免見滿藏。琅函攪人腸肚，然雖如是，猶未勸絕在。何也？阿難道：如是我聞，白雲也。道：如是我聞，苦道當時是重古，輕今若道，即今是重今，輕古要會麼？優曇花不開跡絕，無香氣。

地藏琛僧問以字不成八字不是未審是甚麼字琛云
看取下詳脚披雲叙因僧問寂以頌答云以字不成
八不是森羅萬象此中明直饒巧說千般妙不是誑歌
不是經

羅漢南頌云以字不成八字非滿琅函載絕毫釐青經
到此須開眼玉軸分明兩畔題雲居枯云我佛金言
義海深開遮唯要悟真心首標妙在當頭割密使泥牛
曉夜吟地藏恩云拈起題摸不著却看下頭註脚了
知字義炳然大藏潛通廣略徑山泉云以字不成八
字非爍迦羅眼不能窺一毛頭上重拈出忿怒那吃失
却威覺範洪云以字不成八字不是法身睡著無法

閉袖僧對面不知名百萬人前呼不起

楞嚴經云佛告阿難云吾不見時何不見吾不見之見吾
見不見自然非彼不見之相若不見吾不見之地自然非
物云何非汝

雪竇顯頌云金象全牛意不殊從來作者共名模如今
更見瞿曇老刹刹塵塵在半途佛心才云雲收空闊
天如水月戴姮娥四海流慚愧半郎癡愛更一心猶在
鵲橋頭佛鑑勸云說離百非存執則言無一法尚
影毗耶默默魚緘口摩竭寥寥鎮掩扉白雲端云堂
前露柱久懷胎長下孩兒頗俊哉未解語言先作賦一
操直取狀元來湛堂準云老胡徹底老婆心為阿難
隱意轉深韓幹馬嘶芳草渡戴嵩牛卧綠楊陰

楞嚴經佛謂阿難曰若能轉物即同如來

白雲端頌云若能轉物即同如來春暖山花處處開自有
一雙窮相手不曾容易舞三臺真如詰云若能轉物
即如來處處門開見善財花柳巷中呈舞戲九衢承醉
臥樓臺佛心才云毛吞巨海芥納須彌乾坤大地直
下同歸一氣不言含有象萬靈何處謝無私經山泉
云若能轉物即同如來吐哉瞿曇許讓癡歎

楞嚴經佛謂阿難云見見之時見非是見見猶離見見不
能及

鼓山珪頌云拄杖頭邊無孔竅大千沙界猶嫌少毗婆
尸佛早留心直至今不得妙海印信云見不及處
江山滿目不觀纖毫花紅柳綠白雲出沒本無心江海

猶猶豈盈縮徑山泉云春至自開花秋來還落葉黃

面老瞿曇休搖三寸舌

楞伽經云五法三自性二種無我

鼓山珪頌云破餅豈復作餅事焦種不應上藥芽如彼

虛空繫太子毛輪垂鬚鬢開花徑山泉云陝府鐵牛

白癩嘉州太象耳曠兩箇病痛一般吐哉漆桶不快

楞嚴經七處徵心

東林顏頌云七處徵心款便成推窮尋逐案分明都探
家賊難防備撥亂乾坤見太平

楞嚴經八還辨見

東林顏頌云明暗色空不可還不可還者絕躡攀夾截
虛空成畔岸一重水隔一重山

楞嚴經富樓那問佛清淨本然云何忽生山河大地

琅琊覺云山僧即不然清淨本然云何忽生山河大地
薦福信云先行不到未後太過 五祖演云金屑雖貴
落眼成翳 佛眼遠云既生山河大地如何得復清淨
本然既復清淨本然云何却見山河大地大衆如何即
是良父云水自竹邊流去冷風從花裏過來香姪入竒
歸堂

白雲端頌云混混玲瓏無背面拈起有時成兩片且從
依舊却相當兒被傍人來觀見 佛鑑勸云因風吹火
徒爲妙借手行拳未足多清淨本然隨口道忽生大地
與山河 大洪遂云當明不犯體全彰進步剛然要論
景妍醜只因逢舌鏡回頭滿面負慚惶 天童覺云見

有不有翻手覆手琅琊山裏人不落瞿曇後 東林願

云清淨本然徧法界山河大地即皆現性覺必明認影
明眼耳便隨聲色轉

圓覺經佛謂清淨慧菩薩曰居一切時不起妄念於諸妄
心亦不息滅住妄想境不加了知於無了知不辨真實

黃龍心頌云黃花漠漠翠竹珊珊嶺南地暖塞北地寒
遊人去後無消息留得溪山到老青 鼓山珪云塞北

攀南斗翻身倚北辰出頭天外看誰是我般人 天童
覺云巍巍堂堂磊磊落落鬧處刺頭穩處下脚脚下線

斷我自由鼻端泥盡君休斷莫動著千年故紙巾合藥
徑山景云荷葉團團似鏡菱角尖尖似錐風吹柳

絮毛毳走雨打梨花蛺蝶飛 正堂辯云張果老踏鼓

胡盧呂洞賓失却寶劍兩箇撒手相逢囊裏更無一線
何偃姑鐵笛橫吹解道長江淨如練

維摩經云其施汝者不名福田供養汝者臨三惡道
松源岳云還見維摩心肝五臟廢移花兼蝶至買石得
雲鏡

保寧身頌云無邊無際休辭酌潮去潮來本自平清濁
深深井苦淡一般滋味迥分明 徑山果云獨坐許誰

知青山對落暉花須連夜發不待曉風吹 鼓山珪云
入林不動草入水不動波鑊湯無冷處合眼跳黃河

維摩經云不斷煩惱而得涅槃
白雲端頌云朝生暮死千萬徧一日幾回相見面展陣
開旗放出來一指動時容戲見

維摩經云觀身實相觀佛亦然
人或庵體頌云眼空四海恣縱橫鼻孔遼夫信脚行拏得

電光為火托却來日午打三更
法華經云大通智勝佛十劫坐道場佛法不現前不得成

佛道
白雲端云直饒得現前也未得成佛道何謂如此欲得

不招無問業其謗如來正法輪 應庵華云初僧門下
却較些子且和泥合水一句作麼生道一朝權在手看

取分行時
保寧身頌云三際斷時凡聖盡十身圓處刹塵周無私

應物隨高下未過舊衲大劫修 鼓山珪云種穀不生
豆苗蒸砂豈能成飯大通智勝如來一箇擔板底漢

經山果云宴坐道場經十劫一一從頭俱滿世間多
少守株人掉棒擬打不邊月
金剛經云一切賢聖皆以無為法而有差別
應庵華云應庵也著一隻眼東弗于逮西墮邪尼南瞻
部洲北鬱單越到處去來不如在此
保寧房頌云仁者見之謂之仁智者見之謂之智冥冥
向火熱乘涼健即經行困打睡困打睡仰面看天開口
發聖氣覺海元云一金成萬器皆由匠者智何必毗耶
城人人說不二
金剛經云若為人輕賤是以先世罪業應墮惡道以今世
人輕賤故先世罪業即為消滅
雲在膺云動即應墮惡道靜即為人輕賤
崇壽稠云

心外有法應墮惡道守住自己為人輕賤
雪竇顯頌云明珠在掌有功者賞胡漢不來全無伎倆
伎倆既無波旬失途瞿曇瞿曇識我也無復云勤破了
也白雲端云水不洗水誰不知旋嵐常靜六驥馳千
年曆日如能算免被巡官掌上推無盡居士云四序
炎涼去復還聖凡只在剎那間前人罪業今人賤因劫
前人罪業山天童覺云綴綴功過膠膠因裏鏡外并
奔演若多杖頭擊著破甕隨甕隨破來相賀劫道從前
孤負我
金剛經云收衣鉢洗足已敷座而坐
水庵一頌云食訖跏趺坐石牀斗間劍氣燭天光幾多
業識茫茫者衲被蒙頭在醉鄉

金剛經云於是中無實無虛

佛慧泉頌云菩提無實亦無虛幾箇男兒是丈夫丹元

不歸金鸞驚碧潭空浸玉蟾蛛

金剛經云過去心不可得現在心不可得未來心不可得

或庵體頌云三清道士無僊骨小教閣黎毀梵書黑漆

窠崙舞華鼓天親無著暗嗟吁

文殊所說般若經云清淨行者不入涅槃破戒比丘不入

地獄

祖印明頌云養就家欄水牯牛自歸自去有來由而今

穩臥深雲裏秦不管兮漢不收保寧勇云平生疎逸

無拍檢酒肆茶坊信意遊漢地不收秦不管又騎驢子

過揚州徑山泉云壁上安燈盞堂前置酒臺問來打

三盞何處得愁來

鼓山珪云鶴白鳥本玄松直棘自

曲清淨比丘僧却須入地獄

華嚴經云我今常見一切眾生具有如來智慧德相但以

妄想執著而不證得

天童覺頌云天蓋地載成團成塊周法界而無邊拈

虛而無內及盡玄微誰分向背佛祖來償口業慎問取

南泉王老師人人只喫一莖菜

栢巖禪師僧問如何是教師云具葉收不盡

丹霞溥頌云四十九年成露布五千餘軸盡言詮妙明

同下句威音外折角泥牛雪裏眠

洛浦安禪師僧問如何是一大藏教收不得者師云兩

三草秀片玉本來輝

投子青頌云，巖鉢巖花曉帶春，香風時結鷲峯層。須知玉像餅中塔，別有輝天照地燈。同安丕禪師僧問，依經解義三世佛，寬離經一字，即同魔說。此理如何？師云，孤峯迥秀不掛煙蘿，片月橫空白雲自異。

丹霞淳頌云，雲自高飛水自流，海天空闊漾孤舟。夜深不向蘆簾宿，迥出中間與兩頭。

首山念禪師僧問，一切諸佛皆從此經出，如何？是此經師云，低聲低聲云，如何？受持師云，不污染。

投子青頌云，水出崑崙山，起雲釣人漁父味。來因只知洪浪巖巖開，不肯拋絲棄斧聲。

洞山聰禪師云，一大藏教是箇之字。

白雲端頌云，點畫分明無道理，老胡幾度提不起。不如分付王將軍，無限風流歸手裡。

洞山詮禪師僧問，經云，清淨行者不入涅槃，破戒比丘不入地獄，時如何？師云，度盡無遺影，還他越涅槃。

丹霞淳頌云，相好巍巍大丈夫，丁生無智恰如愚。從來佛祖猶難望，地獄天堂豈可拘。

法眼益禪師僧問，承教有言，從無住本立一切法，如何？是無住？本師云，形與未質，名起未名。

天童覺頌云，沒蹤跡，斷消息。白雲無根，清風何色。鼓鼙蓋而非心，持坤輿而有力。洞千古之淵源，造萬像之妙則。剎塵道會也，處處普賢樓閣門開也。頭頭彌勒。

○看經

藥山儼禪師看經次僧問和尚尋常不許人看經為甚寒却即看師云我只圖遮眼云某甲學和尚得不師云汝若看牛皮也須穿

長慶云眼有何過玄覺云且道長慶會藥山意不

藥山意

汾陽昭頌云徹底更何疑野穿會者稀叮嚀猶付囑句

句是玄機保寧勇云遮眼誰同藥嶠看牛皮穿透骨

毛寒五湖四海知多少字密行跡總一般枯木成云

門前雖有千山月室內都無一點塵具葉若圖遮得眼

須知淨地亦迷人

臨濟女禪師同王常侍入僧堂王問這一堂僧還看經也無師云不看經云還習禪也無師云不習禪云經又不看

禪又不習究竟作甚處師云總教成佛作祖去王云金屑

雖貴落眼成翳又作麼生師云我將謂你是箇俗漢

投子別云官人何得貴耳賤目鎮清代云比來拋擲

引玉鴻山詰云王常侍可謂儒門君子禪門良匠若

非知鑑分明爭得是非顛脫白雲端云大衆臨濟端

的具一隻眼若是圓通即不然金屑雖貴落眼成翳又

作麼生我將謂你是箇俗漢大衆試斷看應庵華云

風行草偃葉落短秋臨濟雖本分糾纏常侍乃真門具

眼紙如今日判府入山與老僧相見雖無僧堂可坐亦

無佛法商量紙這便是出他一頭地處且道以何為驗

以此為驗

徑山頌云世出世間希有事顯發須憑過量人只將

補衣調羹手撥轉如來正法輪

古靈贊禪師歸受業本師問汝學何業師云不如未去時
後因本師看經次有蠅子撞窗師云世界如許廣大須要
頭鑽故紙作甚麼本師異而問之師云某甲全有頌云空
門不出出投窓也大奇百年鑽故紙何日出頭時

白雲端頌云為愛尋光紙上鑽不能透處幾多難蓋然
撞著來時路始覺從前被眼瞞

睦州蹤禪師僧問一氣還轉得一大藏教也無師云有甚
轉得百千藏這般供養也尋常

鼓山珪頌云睦州只愛錐頭利這僧不見鑿頭方直饒
轉得百千藏這般供養也尋常

大藏教頓漸偏圓權與實無邊妙義炳然彰元來一字

也不識

雲希膺禪師問僧念甚麼經云維摩經師云我不問維摩
經念底是甚麼僧於此有省

佛慧泉頌云不問維摩念甚麼新羅鷄子穿雲過林頭
擊著沒威靈惆悵嵩山破竈隨

維摩經一回舉著一回精鷓鴣故鄉歸不得大都言語
太分明

天章善云問經不問念維摩念底分明見也
塵欲入塵沙法門海一言演出不須多

道場如云順
風將欲到揚州風轉船頭水逆流把拖全憑三老力警
然到岸不須憂
南堂靜云須彌山高不見巔大海水
深不見底鼓土揚塵無處尋回頭撞著自家底

講經

南泉願禪師問座主講得甚麼經云彌勒下生經師云彌勒甚麼時下生云現在天宮未來師云天上無彌勒地下無彌勒洞山舉問雲居膺膺云天上無彌勒地下無彌勒未審誰與安各洞山被問直得禪牀振動乃云吾在雲巖魚問老人直得火爐振動今日被子問直得通身汗流大陽延云如今老僧舉起也有解問者致將不問來乃云地動也徑山杲云禪牀振動火爐地動即不無三木老要見南泉直待彌勒下生始得忽有箇禿僧出來道天上無彌勒地下無彌勒却教作麼生祇對他但向他道老僧罪過佛眼裏頌云禪床驚震被茶糊惹得兒孫不丈夫挂杖

劈頭連打出也教知道赤鬚胡

西山亮座主謁馬祖祖問講甚麼經師云心經祖云將甚麼講師云將心講云心如工伎兒意如和伎者六識為伴侶爭解講得經師云心既講不得莫是虛空講得麼云却是虛空講得師拂袖而去祖召云座主師回首祖云是甚麼師豁然大悟乃禮拜祖云這鉢根阿師你禮拜作甚麼師直得通身汗流遂歸謂眾云我一生所講經將謂無人及得今日被馬師一問平生工夫水釋而已遂罷講直入西山杳無消息

開先瑛云教中道父母所生浪惡見三千界只如亮座主只今在甚麼處為復餐服百草隱在神山為復定力自持深居巖谷為復神通變化俗眼難窺為復脫離色

身證涅槃樂，如今有人見得，麼若也，見得不妨。一貪明眼，衲僧倘或未然，且莫撞著露柱。

正堂辭頌云：弓弦難結鴛鴦，細御道那。武栗棘蓬，甚笑。

香巖饒舌，老今年猶勝。去年窮，東山空云馬師，聘却。

亮師眼，一入西山，更不返。我有三十二藤條，寄與山中。

這檐板。

太原亭上座初為座主，在揚州光孝講涅槃經，有一禪者。

阻雪在寺，因往隨喜講，至三因佛性三德法身廣談法身。

妙理，禪者失笑。師講罷，請禪者喫茶，問云：某甲素志狹劣。

依文解義，適蒙見笑，有不到處，伏望見教。禪者云：實笑座。

主不識法身，師云：如此解說，何處不是。云：請座主更說。一。

徧師云：法身之理，猶若太虛，豎窮三際，橫具十方。彌論八。

極包括一儀，隨緣赴感，靡不周徧。禪者云：不道座主說得。

不是，只是說得。法身量邊事實，殊識法身在。師云：既然如。

是，禪者當為我說。云：座主還信不。師云：焉敢不信。云：若如。

是，座主暫輟講，自日於室內端坐靜慮，取心攝念，善惡諸。

緣一時放却。師一依所教，從初夜至五更，聞鼓角聲，豁然。

契悟。走扣禪者門，禪者問云：誰。師云：某甲。禪者咄云：教你。

傳持大教，代佛宣揚。夜來為甚麼醉酒，卧街。師云：禪德自。

來講經，將生身父母鼻孔，扭捏從今，向去更不敢。如是禪。

者云：且去。明日來相見。師即罷講，徧謁諸方。

古德頌云：一曲單于風引長，亭公聞處出宮商。至今夜。

裏維揚客，空聽梅花聲斷腸。

○論義

世尊因長爪梵志索論義預約云我義若隨我自斬首世
尊云汝義以何為宗志云我以一切不受為宗世尊云是
則受不志拂袖而去行至中路乃省謂弟子云我當回去
斬首謝佛弟子云人夫衆前幸當得勝何以斬首志云我
寧於有志人前斬首不於無志人前得勝乃嘆云我義兩
處負隨是見若受負門處是見不受負門處細一切人
天二乘皆不知我義隨處唯有世尊諸大菩薩知我義隨
回至世尊前云我義兩處負隨故當斬首謝世尊佛云我
佛法中無如是事汝當回心向道出家於是五百徒衆一
時投佛出家證阿羅漢一本
七祖婆須密尊者因佛隨難提索以論義祖云仁者論即
不義義即不論若擬論義終非義論佛隨難提知師義勝

心即欽伏

十一祖那夜奢尊者因馬鳴問我欲識佛何者即是祖云
汝欲識佛不識者是云佛既不識焉知是乎祖云既不識
佛焉知不是云此是鋸義祖云彼是木義復問鋸義者何
鳴云與師平出鳴問木義者何祖云汝被我解馬鳴於是
信伏
十二祖馬鳴大士昔嘗事外道每持一了槍上懸一劍巡
五天竺國索人論義自云我義若隨當斬首為謝聞脇尊
者有大聲譽特請論義脇云爾義以何為宗祖云但有言
說我悉能破脇於是默然而坐祖忿色而去諾罵云我聞
爾具大智慧及與論義一詞不措行至中路乃謂弟子云
我義已隨我言但有言說皆悉能破彼既無言我當自破

將回軌首而謝爾時脇尊者化令回心并諸徒眾乃一時出家

○祖偈

六祖大師家貧賣薪養母因往五祖求法祖問汝自何來師云嶺南來祖云欲須何事師云唯求作佛祖云嶺南人無佛性若為得佛師云人有南北佛性豈然祖知異器乃訶云若槽廠去師遂入碓坊腰石舂米因五祖示眾索偈欲付衣法堂中上座神秀大師呈偈云身是菩提樹心如明鏡臺時時勤拂拭莫遣惹塵埃師聞乃和之云菩提本無樹明鏡亦非臺本來無一物何處惹塵埃祖默而識之夜呼師入室密示心宗法眼傳付衣鉢令渡江過大庾嶺南歸曹溪開東山法門

黃龍新頌云六祖當年不丈夫值久書壁自塗糊明明有偈言無物却受他家一鉢盂佛惠泉云今古曹溪一泓寒師來因為起波瀾攜囊度嶺人空逐負石黃梅眾識難佛國白云七百高僧夢裏時三更月下獨南歸賣柴舂米儂家事底事親傳六代衣祖印明云下偈投機一眾降喙花百鳥去雙雙家山記得來時路半夜傳衣過九江草堂清云七百僧中選一人本來無物便相親夜傳衣鉢曹溪去鐵樹花開二月春雙林傳大士偈云夜夜抱佛眠朝朝還共起坐鎮相隨語默同居止纖毫不相離如身影相似欲識佛去處

玄沙云大小傳大士祇認得箇昭昭靈靈玄覺徵云

且道他認不認若認他又是補處彌勒不可認也若不
認玄沙又與麼道不可徒然 雪竇顯云天下衲僧跳
不出直饒口掛壁上漢別有一竅勘過了打又云玄沙
也是打草蛇驚 翠巖芝云認與不認來年更有新條
在撓亂春風卒未休 天衣懷云誰有單于調換取假
銀城良久云曾被霜雪苦楊花落也驚
保寧勇頌云要眠時即眠要起時即起水洗面皮光皎
茶濕却蕭大海紅塵生平地波清起呵呵呵呵囉哩
哩囉哩

傳大士偈云有物先天地無形本寂寥能為萬象主不逐

四時凋或作肇法師云

雲峯云且道是甚麼物又云水長船高 道吾真云

且道是甚麼物還識得麼若識得乾坤大地森羅洞明
若也不識被物抄著轉身不得 琅琊覺云好箇頌却
成兩橛若人點檢得出許你具一隻眼 保寧勇拈拄
杖云且莫喚這箇作拄杖子好 五祖演云古人恁麼
道可謂錦上鋪花不妨奇特諸人且作麼生會白蓮今
日曲順後機不惜眉毛亦為頌出有中無中無細中
細籠中籠

龐居士偈云十方同聚會箇箇學無為此是選佛場心空
及第歸

白雲端云每日動用施為說黃道白若喚作心即無及
第之時若不喚作心亦無及第之時且道作麼生得上得心
空及第去良久云向道是龍剛不信果然奪得錦標歸

大鴻詰云慧光門下直接超升不歷科目諸人既到這裏風雲布地牙爪已成但欠雷聲燒尾如今爲你諸人震怒雷去也以拄杖擊禪牀下座草堂清云如今莫有心空及第者麼直饒心空及第到寶峯門下猶是半途且道到頭一句作麼生良久云但有路可上更高人也行

佛慧泉頌云牒頭塵土靴欄破選佛場中無兩箇若道心空及第歸頂上一槌難放過

洞山价禪師悟無情說法偈云也大奇也大奇無情說法不思議若將耳聽終難曉眼裏聞時方始知

南堂勸頌云好好萬象森羅俱是寶頭頭物物現家珍不識之人即荒草

仰山寂禪師問香嚴聞師弟近日有甚悟道頌試舉香嚴舉了其頌見師云此是閑時構置嚴又舉一偈云去年貧未是貧今年貧始是貧去年無卓錫之地今年雖也無師云汝只得如來禪未得祖師禪香嚴後又呈一偈云吾有一機瞬息示伊若也不會別喚沙彌師云且喜師弟會得祖師禪

玄覺徵云且道如來禪與祖師禪分不分長慶稜云一時坐却雲居錫徵云衆中商量如來禪淺祖師禪深只如香嚴當時何不問如何是祖師禪若置此一問何處有也琅琊覺云武帝求僊不得僊玉喬端坐却昇天大鴻詰云香嚴可謂上無片瓦下無卓錫露髀裸赤灑灑沒可把若不是仰山幾乎放過這漢何故不

得雪霜力焉知松栢操

南堂靜頌云聲不是聲方見道色非色即直空精金
百煉方成器利劍重磨始見功 枯木元云無地無維
未是貧知無尚有守無身儂家近日貧來甚不見當初
貧底人

禪林類聚卷第九

姓名

頭首

知事

侍者

法屬

尼女

行童

○姓名

柏巖哲禪師因洞山與密師伯到師問二上座甚麼處來

洞云湖南師云觀察使姓甚麼云不得姓師云名甚麼云
不得名師云還理事也無云自有廊幕在師云還出入不
云不出入師云豈不出入洞拂袖出去師明日侵晨入堂
召二上座迺前師云昨日問上座話不稱老僧意一夜不
寐今請上座別一轉語若恹老僧意便開粥相伴過夏洞
云却請和尚問師云豈不出入洞云大尊貴生師乃開粥
同過夏或藥山下鄂
天童覺云主張門戶自有傍來拱默威嚴誰敢正視借
功施設轉位提持全成左右分權不犯尊貴一路還知
尊貴覺麼寶殿無人不得立不種梧桐免鳳來
丹霞淳頌云燭香人靜杳無聲苔蒲丹堦皓月明入戶
當堂慵正坐出門猶懶下階行

道吾智禪師與雲巖到南泉處泉問閣梨名甚麼師云宗
智泉云智不到處作麼生宗師云切忌道著泉云酌然道
著則頭角生異日師與雲巖在後架把鉢南泉過見無問
智頭陀前日道智不到處切忌道著道著則頭角生合作
麼生行履師乃拂身入僧堂
按子青頌云金剛際下古髑髏幾被人踏血濺空明月
任從君自掬寒松那棄白雲鞋
仰山寂禪師問三聖汝名甚麼云慧寂師云慧寂是我云
我名惠然師乃呵呵大笑
雪竇顯頌云雙杖雙放若爲宗騎虎由來要絕功笑罷
不知何處去只應千古動悲風上方益云張弓架箭
可無機特向函關展信旗胡馬若非知步驟頂門爭免

一金錠 佛心才云是汝非渠能縱奪龍盤虎踞有來
由因思海月清風夜直釣和竿懶更收
玄沙備禪師因僧問如何是和尚親切底事師云我是謝
三郎

雪竇顯云本是釣漁船上客偶除鬚髮著袈裟袒佛位
中留不住夜來依舊宿蘆花 按子青云親伸端的向
君言莫比流沙少室傳昨夜鴈回雙嶺後謝家人立月
明前 祖印明云杪秋時節水雲鄉千頃蘆花未著霜
江景不將零碎賣一時分付謝三郎 草堂清云闔山
滄海浪悠悠父子生涯一釣舟忽爾踏翻深猛省本家
收拾去來休

○頭首

南泉願禪師因黃檗在師會中為首座一日捧鉢向師位
 中坐師入堂見乃問長老甚麼年中行道檗云威音王已
 前師云猶是王老師兒孫下去檗過第二位坐師休去
 鴻山云欺敵者亡仰山云不然須知黃檗有陷虎之機
 鴻山云子見處得與麼長雪竇顯云可惜王老師只
 見錐頭利我當時若作南泉待伊道威音王已前即便
 於第二位中坐令黃檗一生起不得雖然如此也須救
 取南泉雲峯悅云後來叢林中多有商量或道黃檗
 有陷虎之機南泉有殺虎之威若作與麼說話誠實苦
 哉殊不知這老賊有年無德喫飯生麩也不依本分若
 雲峯門下說甚威音王已前王老師更大直須喫棒趁
 出

疎山如頌云威音王佛是兒孫王老當時開大言黃檗
 見機分主伴典刑千古定宗門佛眼遠云彼此老來
 誰記得人前各自強惺惺一坑未免俱埋却幾箇如今
 眼子青

藥山儼禪師因遵布衲作殿主浴佛次師乃問汝祇浴得
 這箇還浴得那箇麻遵云把將那箇來師休去
 長慶稜云那法難扶玄覺云且道長慶恁麼道在實
 在主眾中喚作浴佛語亦云兼帶語且道盡善不盡善
 黃龍南云此二尊宿一出入未見輸贏三十年後不
 得錯舉佛性泰云好箇浴佛二俱不了古德若作遵
 布衲待藥山休去便將杓子舀湯劈面潑教伊皮膚脫
 落盡唯有一真實應庵華云遵布衲當時若是箇漢

待他道浴那箇不得拈杓子劈面攪雖然也不得獨藥
山何故不入虎兇爭得虎子

塗毒策頌云愛將香水慕頭燒引得清風慰寂寥無限
遠山描不得喬松偕竹冷蕭蕭

臨濟玄禪師會下兩堂首座一日舉頭相顧各下一喝僧
舉問師未審具賓主眼不師云雖然如此賓主歷然

承天宗云臨濟此語走殺天下衲僧我即不然當時見
僧舉但云一對無孔鐵鎚天童覺云殺人刀活人劍

在臨濟手裏雖然如是當時便與一喝直饒他大逞神
通也只得同聲相應大滄智云作麼生是賓主歷然

底道理若會得一雙孤鷹搏地高飛兩箇鴛鴦池邊獨
立

慈明圓頌云啐啄之機箭拄鋒警然賓主當時分宗師
憫物垂緇素北地黃河徹底渾浮山遠云兩堂上座

齊下喝眼裏瞳人帶金屑錐刀同用不能分黑漆崑崙
迷夜月佛印元云箭鋒相拄自諸訛李廣雙鵬射得

多堪契人來望天際歷然飛鷄過新羅雲溪恭云賓
主歷然句下分三玄從此振乾坤如今多少途中客盡

日區區獨自分黃龍震云離朱明不到師曠聽亦訛
箇中識賓主日牛下星河

南泉願禪師一日因齋次乃自將生盤去首座前云出生
味時枚山堅和尚為首座乃云無生師云無生猶是未師

繞行數步首座乃召云長老長老師回顧云作麼首座云
莫道是未

智門祚頌云古老巡堂親掠生渡水行舟不易耕莫道無生猶是未繼毫不了亂縱橫

雪竇存南嶽福嚴為藏主李殿院同雅長老入藏院師出接李云藏主那師云不敢李云藏中說著下官麼師云目前可驗李云驗底事作麼生師云不消一箇李無語師云且請殿院歸寮喫茶坐次山嵐忽起雅云殿院遊山恰值煙霧李云靈峯聖迹為甚麼却有這箇師云下方無李擬道雅云藏主壯觀福嚴師云和尚且莫開眼李云作家作家師云殿院尊重時有道士秀才到李又問三教中那教最尊師乃起側身而立李云有口何不道師云對夫子難言李云休休便起師云適來造次南堂靜頌云五老峯前古觀基老君元是一牟尼時難

只得同香火莫聽他人說是非

○知事 荊務附

南泉願禪師一日不赴堂侍者請赴堂師云我今日在莊上喫油糍飽者云和尚不曾出入師云汝去問莊主者方出門忽見莊主歸謝和尚到莊喫油糍鼓山挂頌云近在口皮邊遠過河沙國世間多少人不入公門九牛車不出應庵華云背眾喫油糍對人誇好手潦倒不識着抵死揚家醜癡禪妙云古德肚裏飽餓餓莊主雖飢解點頭侍者只聞歌樂響不知洪飲在高樓東林顏云鬚虎穿市過把叉去偷猪主人開眼睡並舍叫朱驢

瀉山祐禪師在百丈爲典座時百丈因司馬頭陀尋得大
瀉山地選入主之文云老僧住得不隨云彼是肉山和尚
是骨人若居之只安五百衆彼可安千衆文云吾衆中莫
有人住得不隨云觀典座可住得丈乃呼師來說與時首
座聞得云合當某果去彼何人也丈乃集衆云下語出格
者得遂拈淨餅置地設問云不得喚作淨餅喚作甚麼首
座云不可喚作木椽也丈復問典座師乃踢倒淨餅而去
大笑云首座輸却山子也因命師往往山後果安千衆
上方益頌云不顧山家舊信旗單刀一直入籌帷長戈
短戟都無用奪得將軍金印歸 照覺總云定奪英雄
是淨餅毫釐分處更無情太平本是將軍致不許將軍
見太平 佛迹呈云正令全提作者知淨餅拈起定孤

疑須知大智無私繼解道瀉山却屬伊 堯率悅云淨
餅踢處有來由自是行人不到頭頌信春風生大野不
風流處也風流 智海清云百丈堂前定大瀉金毛獅
子振全威淨餅踢倒還元化千里淳風動地歸 通照
逢云大用還應作者知當場一踢絕狐疑堪嗟不紹家
困者只向餅邊定是非
興化毀禪師一日謂克賓維那云汝不久爲唱導之師賓
云我不入這保社師云你會了不入不會了不入云總不
與麼師便打云克賓維那法戰不勝罰錢設齋飯次日興
化入堂白槌云克賓維那法戰不勝罰錢五貫設齋飯下
堂仍須出院賓後出此住太行山嗣興化
雪竇顯云克賓要承嗣興化罰錢出院且致却須索取

這一頓棒始得且問諸人棒既喫了作麼生索得雪竇
要斷不平之事今夜與克賓維那壁角以拄杖一敲
散黃龍南云克賓失錢遭罪有理難伸興化以剛決
氣未足光也 雲峯悅云路遙知馬力歲久見人心
大鴻喆云興化令雖行大似以勢欺人克賓一朝輸機
爭奈千古聲光不墜且道利害在甚處若不沙場經
戰揚天擲鼓喪紅塵 雲居舜云太冷精金應無變色
其奈興化令行太嚴不是克賓維那也大難承當總是
而今泛泛之徒翻轉面皮多少時也
照覺總頌云克賓法戰挫英雄興化嚴行振祖風棒下
直明無生忍莫教知解入塵籠 直淨文云丈夫當斷
不解斷興化為人徹底漢已後從教眼目開棒了罰錢

趣出院 佛國白云主中主問賓中賓賓主分明到底
親有理罰錢無說處太行山下淚沾巾 佛心才云克
賓興化令雙行白髮通心透頂生穿過納僧青白眼儘
教天下競頭爭
文則監院在法眼會下並不入室忽一日眼問汝在此初
不見來問話曾參甚人有何見處師云某甲曾參見青峯
和尚來眼云有甚言句師云某甲問如何是學人自己峯
云丙丁童子來求火眼云好語汝作麼生會師云丙丁爲
火將火求火如將自己求自己眼云與麼會又爭得師當
時不肯遂起發去眼問侍者則監院在甚處者云已起去
也眼云此僧若過江去救伊不得也師至中途再返求懺
悔問云文則只與麼和尚尊意如何眼云汝但問師便問

如何是學人自己眼云丙丁童子來求火師大悟於言下
後出世金陵報恩為法眼之嗣
白雲端頌云末上一回秤八兩又秤恰重半斤來定盤
星在誰人手爭著絲毫可恠哉 照覺總云丙丁求火
已躬明法眼青峯古路行行到水窮知盡處坐看雲起
見平生 佛燈珣云問處分明答處親青峯八字打開
門頭頭盡是吾家物何必臨岐更問津 六洪遂云丙
丁求火問青峰巨耐韓獯逐塊蹤賴得清涼重點破一
聲雷震化為龍

○侍者

南陽忠國師一日三喚侍者侍者三應諾師云將謂吾辜
負汝却是汝辜負吾

雪竇顯云國師三喚侍者點即不到侍者三應到即不
點將謂吾辜負汝誰知汝辜負吾 瞞雪竇不得雲門道
作麼生是國師辜負侍者處會得也是無端師云元來
不會又云作麼生是侍者辜負國師粉骨碎身未報得
師云無端無端復舉僧問投子國師三喚侍者意旨如
何投子云抑逼人作麼師云咬根漢僧問興化化云一
肯引衆首師云端的瞎僧問文沙沙云侍者却會師云
停囚長智僧問趙州州云如人暗中書字字雖不成文
彩已彰師便喝僧問雪竇雪竇便打也要諸方檢點
玄覺微云甚趣是侍者會處僧云若不會爭解與麼應
師云汝少會在又云若於此見得去便識文沙 翠巖
芝云國師與侍者總欠會在如今恁生會

黃龍南頌云國師三喚侍者打草只要蛇驚誰知澗底
青松下有千年茯苓雪竇顯云師資會選意非輕無
事相將草裏行負汝負吾人莫問任從天下競頭爭
翠巖真云侍者何曾喚不回國師乾地起風雷當時若
也相逢著九轉還丹化作灰智海清云國師三喚侍
者侍者三度應諾若言負汝負吾真箇可知禮也高
庵悟云寶劍連飛急透頂便通神有時輕按處驚動五
湖賓祖印明云國師年老大多箇截鶴由來要續鳧
彼此無瘡安樂甚何勞傷損好皮膚
忠國師因丹霞來訪值師睡次乃問侍者取源云國師在
不者云在即在只在不見客霞云太深遠生者云莫道上
座佛眼也顯不見霞云龍生龍子鳳生鳳兒師睡起侍者

舉似師師乃打侍者一十棒趁出丹霞聞之乃云不該
南陽國師

南堂靜云丹霞不會作客勞煩主人侍者不會作主偏
泄天機國師行闌外威權知音者少且道山僧又作麼
生良久云如今四海明知鏡不用和煙帶雨來應庵
華云侍者喫棒出院蓋千載一時然歸宗豈免眼熱丹
未霞故雖好手爭奈落在國師網子裏諸人還辨得麼苟
或茫然猶握金鞭問歸客夜深誰共御街行
佛燈珣頌云一人把拖道風頭一箇張帆順水流興發
幾回乘好月飄然不覺過滄洲佛鑑勸云老倒南陽
不識陵丹霞得便每相過一朝龍鳳親生子四海人傳
家不和石門易云風靜波澄月映空途中人借問山

翁只知回顧幽林下不覺東巖垂霧籠雲巖因云國
師養子之緣丹霞口甜心苦侍者當時放過二十山藤
輕怨枯木成云戶底門頭也要入暫時不在便因循
家風已被傍人見賊過張弓枉用神
趙州論禪師因侍者報云大王來也師云萬福太王者云
未到在師云又道來也侍者罔措
黃龍南云頭頭漏泄罕遇僂陲侍者只解報客不知身
在帝鄉趙州入草求人不覺渾身泥水白雲端云侍
者雖然罔措爭奈王令已行王令已行則海晏河清且
道海晏河清一句作麼生道乃云野老不知堯舜力
擊打鼓祭江神
佛性泰頌云應用從來不覆藏當機何得昧真常只知

報道王來也不覺渾身在帝鄉南巖勝云許由臨岸
洗耳巢父不飲牛水侍者親入帝鄉趙州只在草裏
鳥窠道林禪師因侍者會通一日作辭師乃問汝今何往
云某甲為法出家和尚不垂慈誨今往諸方學佛法去師
云若是佛法老僧此間亦有少許云如何是和尚此間佛
法師於身上拈起布毛吹一吹侍者大悟更不復他遊
大為秀云可惜這僧認他口頭聲色以當平生殊不知
自見光明蓋天蓋地
汾陽昭頌云侍者初心學勝緣辭師擬欲去參禪鳥窠
知是根機熟吹毛當下得心安真淨文云鳥窠吹布
毛紅日午方高趙王因好劍合國人帶刀雲居祐云
無風而雨起波痕碧鬢羅紋正眼觀恰值黃河三東頭

那羅延窟見龍蟠 佛眼遠云欲求佛法往南方老大

宗師為舉揚山花蒲地雖狼籍一陣風來一陣香

洛浦安禪師又為臨濟侍者濟常稱美云臨濟門下一隻

箭誰敢當鋒師一日辭濟濟問甚麼處去師云南方去濟

以拄杖劃一劃云過得這箇便去師乃喝濟便打浦作禮

濟明日陞堂云有一條赤梢鯉魚搖頭擺尾向南方去不

知向誰家盡躡裏淹殺

云雲居祐頌云執待巾瓶二十年搖頭擺尾出秋泉悠悠

云直往南方去盡躡裏淹來得穩眠

○法屬

黃檗運禪師一日辭百丈云欲禮拜馬祖去丈云馬祖已

遷化也師云未審馬祖有甚奇特師云師不答丈遂舉

再參馬祖因緣乃云我當時被大師一喝直得三日耳聾

頭不覺縮頭吐舌丈云子已後莫承嗣馬祖麼師云不然

今因和尚得見馬祖大機大用要且不識馬祖若承嗣馬

祖恐已後喪我兒孫丈云見與師齊哉師半德見過於師

方堪傳授子甚有超師之見

鴻山問仰山百丈再參馬祖豎拂因緣此二尊宿意旨

如何仰云此是顯大機之用鴻云馬祖出八十四人善

知識幾人得大機幾人得大用仰云百丈得大機黃檗

得大用餘皆盡是唱導之師鴻云如是如是

佛眼遠頌云家肥生孝子國霸有謀臣拳頭劈口起未

到無兒孫

百丈政禪師問南泉諸方善知識還有不說似人底法也

無泉云有師云作麼生是泉云不是心不是佛師云恁麼
即說似人了也泉云某甲即與麼師云師伯作麼生泉云
我又不是善知識爭知有說不說底法師云某甲不會請
師伯說泉云我太煞與汝說了傳燈作嗣百丈海之
大鴻詰云百丈只知瞻前不知顧後當時待伊道某甲
不會但云老僧亦不會百丈若下得此一轉語非唯與
南泉為宗匠亦乃與天下人為宗匠
雪竇顯頌云祖佛從來不為人衲僧今古競頭走明鏡
當臺列象殊一一面南看北斗斗柄垂無處討拈得鼻
孔失却口長靈卓云不會誰不會相逢且喫茶不尋
雲水路爭到野僧家白雲端云涅槃老子順風吹囉
哩哩囉爭得知揚嶺幾多人錯聽一特喚作鸚鵡詞

徑山泉云傾腹傾心說向君不知何故尚沈吟而今便
好猛提取付與世間無事人

法眼益禪師出世後長慶會下有子昭首座上座昔與師商
確古今心中憤憤一日頌衆到責問於師師舉衆出迎持
加禮待主賓位上各掛拂子茶罷昭變色問云長老開堂
的嗣何人師云地藏昭云何太辜長慶先師某甲同在座
下商確古今曾無間隔因何却嗣地藏師云某不會長慶
一則因緣昭云何不問來師云長慶道萬象之中獨露身
作麼生昭豎起拂子師叱云首座此是當年學得底別作
麼生昭無對師云只如萬象之中獨露身是撥萬象不撥
萬象昭云不撥師云兩箇參隨連聲救云撥萬象師云萬
象之中獨露身擲昭等憚懼而退師指住云首座殺父殺

母猶通懺悔謗大般若誠難懺悔昭竟不能對於是參師發明已見更不開堂

天童覺頌云離念見佛破塵出經現成家法誰立門庭

月逐舟行江練淨春隨草上燒痕青搔不撥聽叮嚀三

徑就荒歸便得舊時松菊尚芳馨

海會舉禪師到琅琊瑯琊問上座近離甚麼處師云浙江云

船來陸來師云船來云船在甚處師云步下云不涉程途

一向作麼生道師云杜撰長老如麻似粟便下去琅琊乃

問待者此是甚麼人者云舉上座瑯琊云真是舉師叔麼當

時先師教我尋見伊遂親下堂問上座莫便是舉師叔莫

恁某甲適來相觸忤師便喝復問長老甚時到汾州瑯琊云

恁時師云我在浙江早聞你名元來見解然如此何得名

播塞海琅琊乃作禮

海印信頌云漁翁蕭灑任東西蘆管橫吹和不齊夜靜

月明魚不食扁舟卧入武陵溪鼓山珪云官路無人

獨自行兩家公驗甚分明路傍偷販私鹽客草裏躡身

重過一生徑山杲云奪得驪珠即便回小根魔子盡疑

猜拈來拋向洪波裏撒手大家歸去來

浮山遠禪師僧問師唱誰家曲宗風嗣阿誰師云八生翁

翁輓繡毯云恁麼則一句迥然開祖身三玄戈甲披叢林

師云李陵元是漢朝臣五開風蕭蕭吹散衣冠不見人

投子青拈云水深魚穩葉落巢踈復頌月裏無根草山

前枯木花鴈回沙塞後砧杵落誰家云佛性本空誰能度五

投子青禪師僧問師唱誰家曲宗風嗣阿誰師云威音前

一箭射透兩重山云如何是相付底事師云全因淮地月
得照鄧陽春云恁麼則入水見長人師云祇知荆玉異那
辨楚王心隨後以拂子敲禪牀

丹霞淳頌云珊瑚枝上玉花開風遞清香遍九垓勿謂
乾坤成委曲韶陽曾見睦州來

楊歧會禪師在筠州九峰受楊歧請陞堂下座時九峯勸
禪師把住師云今日喜得箇同參師云作麼生是同參處

事勤云九峯牽犁楊歧拽耙師云正恁麼時楊歧在前九
峯在前勤擬議師托開云將謂同參元來不是

保寧勇代擬議處云臨行之際更莫匆匆便掌
上方益頌云一拽耙二牽犁平田淺地且相隨恰到飢

時無草料放開頭角便東西老楊歧老楊歧盡道從來

解弄啼天寧楷禪師僧問師唱誰家曲宗風嗣阿誰師云金鳳夜

棲無影樹峯巒纔露海雲遊

丹霞淳頌云等閑應問豈安排一句全提隱顯該薄露
依依籠古徑孤峯終不露崔嵬

○尼女
文殊師利在靈山會上諸佛集處見一女子近佛而坐入

於三昧文殊白佛言云何此女得近佛坐佛云汝但覺此
女令從三昧起汝自問之文殊遙女子三市鳴指一下

至托上梵天盡其神力而不能出佛云假使百千文殊亦
出此女定不得下方過四十二恒沙國土有罔明菩薩能

出此女定須臾罔明從地涌出作禮佛前佛勅出此文定

周明即於女子前鳴指一下女子於是從定而出一本
翠巖芝云僧投寺裡宿賊打不防家 五雲云不唯文
殊不能出此定但恐如來也出此定不得祇如教意
生體解 夾山齡云這公案無不委知文殊為甚出不
得周明為甚出得諸人儻真奔流度刃底眼非但見這
一隊漢敗闕乃至河沙佛祖出來也被作家覷破其或
青黃不辨邪正不分祇管去覓女子出定玄沙道底
天童覺云若定若動當人變弄鴻毛輕而不輕太山重
而非重還知老瞿曇鼻孔在我手裡麼
對天衣懷頌云文殊托上梵天周明輕輕彈指女子黃面
天瞿曇看他一倒一起 雲蓋智云獨坐靈山誰得知周
明出定破群迷如今四海皆通達信道無心總不疑

寶峯照云拂拭瑤琴月下彈調高雪曲和還難五侯費
盡平生志從此詩書懶更看 圓覺演云二菩薩出定
笑殺老禪和富嫌千少貧恨一身多 白楊順云文
殊出不得周明却出得巨耐這冤家冷地裏作我
世尊因七賢女遊屍陷林一女指屍謂諸姊云屍在這裏
人向甚處去中有一姊云你麼作麼諸姊諦觀各各契悟
感帝釋散花云唯願聖姊有何所須我當終身供給女云
我家四事七珍悉皆具足唯要三般物一要無根樹子一
株二要無陰陽地一片三要叫不響山谷一所帝釋云一
切所須我悉有之若三般物我實無得女云汝若無此乘
解濟人帝釋遂同往白佛佛言憍尸迦我諸弟子大阿羅
漢悉皆不解此義唯有諸大菩薩乃解此義

佛惠泉頌云寒林裏忽逢伊帝釋行檀恨已遲三物索
來何處有却令諸姊皺雙眉憐尸迦知不知更獻天花
三兩枝佛燈珣云帝子遊春不逐歌相邀諸姊入屍
隄死人堆裏出身路撥動煙塵見也麼剎利漢不消多
回頭踏著自家底洞雲深處舊煙蘿龍牙才云屍在
此兮人何在疾雷破山風振海雲飛雨散相見時鬪體
眼睛放光彩

舍利弗因入城遙見月上女出城舍利弗心口思惟此姊
見佛不知得忍不得忍我當問之纔近便問甚麼處去女
云如舍利弗與麼去弗云我纔入城爾當出城云何言如
舍利弗與麼去女云諸佛弟子中當住何所弗云諸佛弟
子依大涅槃而住女云諸佛弟子既依涅槃而住我如舍

舍利弗與麼去

大滄詰云一人入城一人出城何言如舍利弗與麼去
若人知得舍利弗月上女一人去處十二時中動轉施
爲無非住諸佛大涅槃若也未知業識茫茫無本可據
清涼和云一出一入何云同去會麼拈起拄杖云舍利
弗月上女盡在山僧拄杖頭上若也會得去路無差其
或不然一任出入

圓悟勤頌云本來正體徹根源出入同途只此門已住
如來大解脫掌中至寶耀乾坤佛慧泉云淡籠煙深
鎖霧鷲子寧知此條路直饒撞入涅槃門未免隨他與
麼去月上女實堪悲愛將青黛畫蛾眉佛燈珣云涅
槃一路同來往寸步寧虧達本鄉鷲子點兒輕借便循

如瘧子喫生薑月上女太無良不塗紅粉自風光金鎖
玄關留不住百尺竿頭信脚行

文殊大士問菴提遊女生以何為義女云生以不生生為
生義殊云如何是生以不生生為生義女云若能明知地
水火風四緣未曾自得有所和合而能隨其所宜是為生
義殊云死以何為義女云死以不死死為死義殊云如何
是死以不死死為死義女云若能明知地水火風四緣未
曾自得有所離散而能隨其所宜是為死義

佛性泰頌云生無所生死無所死風動塵飛波澄浪止
和合離散隨緣發現蒲月彎弓雙鵬一箭 南堂靜云
生以不生生為生指天指地四方行死以不死死為死
雙林樹下亦如此生不死死不死四十九年無一字

斷金鎖天麒麟突出金毛獅子

菴婆提女問文殊云明知生是不生之法為甚麼却被生
死之所流文殊云其力未充教中名言小異大同

後進山主問修山主明知生是不生之法為甚麼被生
死之所流修云苟畢竟成竹去如今作篋使得麼進云
汝自後自悟去在修云某甲所見紙如此上座意旨如
何進云這箇監院房那箇是典座房修乃禮謝
正覺逸頌云進老分明到五臺修師真箇入關來維那
院主門相對說著令人兩眼開

趙州諗禪師因五臺山下有一婆子接待九有僧問臺山
路向甚處去婆云驀直去僧纔行三五步婆云好箇師僧
又恁麼去後有僧舉似師師云待我去為勤過這婆子明

日師便去亦如是問婆亦如是對師歸乃陞堂為衆云
山婆子我為勘破了也

玄覺云前來僧也與麼問答後來趙州也與麼問答且

道甚趣是勘破處又云非唯被趙州勘破亦被這僧勘

破 琅琊覺云大小趙州去這婆子手裡喪身失命雖

然如是錯會者多 大漁詰云天下衲僧只知問路老

婆要且不知脚下泥深若非趙州老人爭顯汗馬功高

禾山方云一人從苗辨地一人臨崖不悚諸人要識趙

州麼良久云開市裏虎

慈明圓頌云趙州勘破婆子葉落便合知秋天下幾多

禪客五湖四海悠悠 黃龍南云傑出叢林是趙州者

婆勘破有來由而今四海清如鏡行人莫與路為礙

淨照臻云趙州勘破老婆禪語默分明在目前近日五

湖參學者剛於歧路走如煙 少林通云趙州勘破語

難過無限平人走似梭日暮臺山空寂寂至今猶未絕

諸訛 雲蓋昌云臺山路上老婆禪驀直教人好進前

賴得趙州親勘破從茲四海路平然

趙州問一婆子甚麼處去云偷趙州算去師云忽遇趙州

又作麼生婆子便與師一掌師休去

雪竇顯云好掌更下兩掌也無勘處 五祖演云趙州

休去不知衆中作麼生商量白雲也要露箇消息貴要

衆人共知婆子雖行正令一生不了趙州被打兩掌斃

斷牙關婆子可謂去路一身輕似葉趙州高名千古重

如山

野軒遺頌云趙州笋被婆偷擗如何肯便休合出手
時須出手得抽頭處且抽頭海印信云彎弓直勢射
難當陷虎之機理最長雖是貪他一粒米誰知失却半
年糧地藏恩云趙州若捉箇賊當面勸渠返遭一擗
賊不成罪歸已天下衲僧知幾幾無盡居士云趙州
揆揆老婆時迦葉難陪盡皺眉却被老婆揮一掌從來
多事落便宜佛鑑勸云從來柔弱勝剛強捉賊分明
已見賊當下被他揮一掌猶如瘧子喫生姜

巖頭齋禪師因沙汰後於鄂渚湖邊作渡子兩岸各掛一
牌板有人過渡打板一下師云阿誰或云要過那邊師乃
舞棹迎之一日因一婆子拘一孩兒來乃問呈撓舞棹即
不問且道婆手中兒甚處得來師以撓便打婆云婆生

毛子六箇不遇知音只這一箇也不消得便拋向水中

琅琊覺云欺敵者亡大瀉智云巖頭業在其中只得

通身泥水婆子雖有丈夫手段也是家醜外揚

大瀉詰頌云親兒稟了更無親撒手歸家罷問津呈撓

舞棹波中客休向江頭覓渡人上方益云舞棹呈撓

古渡頭婆婆相見問來由何人拚得親生子拋向江心

更不收月庵果云千尺絲綸世可猜釣頭多是得業

能自從釣得錦鱗後洗盡渠濃滿面埃

保福展禪師與其長老相看鄭十三娘纔坐定師乃問承

聞十三娘子參見瀉山是不云是師云瀉山遷化向甚麼

處去娘起身偏牀而立其云閑時說禪口似懸河何不道

取娘云鼓這兩片皮堪作甚麼其云不鼓這兩片皮又作

麼生娘云合取狗口

南堂靜頌云瀉山遷化絕音容
趨起眉毛何處去十三
娘子側身時放出金毛獅子

○行童

五祖大師初在蕪州西山栽松遇四祖告云吾欲傳法與汝汝已年邁汝若再來吾尚遲汝師諾遂往周氏家女托生因拋濁港中神物護持至七歲為童子四祖出山路次逢之見其骨相奇秀異乎常童乃問云子何姓耶師云姓即有非常性祖云是何姓師云佛性祖云汝無姓耶師云性空故祖默識之攜歸出家後付衣法居黃梅東山

天童覺頌云黃梅果熟白藕花開問唯佛性體異凡胎
衣傳南嶺人將去松老西山我再來兩借皮囊成底事

一盡風月湛無埃草堂清云無父無兄絕是非江心

誰辨逆流時西山得法東山隱此事只教能者知佛

國白云垂垂白髮下青山七載歸來換舊頭人却少年

松已老是誰從此落人間天無為子云栽松何老傳衣

何少前身後身一夢兩覺白藕花開峯頂頭明月千年

冷相照

禪林類聚卷第十

人境

真像

○人境

臨濟玄禪師示眾云赤肉團上有一無位真人常在汝等

諸人面門出入未證據者看看時有僧出問如何是無位
真人師下繩床扭住云道道僧無語師打一掌拓開云無
位真人是甚麼乾屎橛

雪峯存云臨濟大似白拈賊 雪竇顯云夫善竊者神
鬼莫知既被雪峯覷破臨濟不是好手復召大眾云雪
竇今日換你諸人眼睛了也你若不信各歸寮舍自摸
擦看 琅琊覺云臨濟可謂水凌上度過九鞠劔刃上
拾得全身

白雲端頌云春風浩浩烘天地是剎山藏煙靄裏無位
真人不可尋落花又見隨流水 保寧勇云播土揚塵
沒處藏面門出入太狼當撒屎撒尿渾閑事浩浩誰分
臭與香 佛印元云下壁無瑕奪日輝秦王雖愛不輸

機可憐又入相如手一陣清風滿路歸 通照逢云無

位真人臨濟道勸君不用更尋討鳥道無功遊者稀百
尺竿頭要親到 佛心才云聲色不干眼耳天地本自
同根巖下忽逢啼鳥翻身又到松門

臨濟小參云我有时奪人不奪境有时奪境不奪人有时
个境兩俱奪有时人境俱不奪克符便出問如何是奪人
不奪境師云煦日發生鋪地錦嬰兒垂髮白如絲云如何
是奪境不奪人師云王令已行天下遍將軍塞外絕煙塵
云如何是人境兩俱奪師云并汾已信獨颺一方云如何
是人境俱不奪師云王登寶殿野老謳歌

克符復頌云奪人不奪境緣自是諳訛擬欲求玄旨思
量反責廢驪珠光燦爛蟾桂影婆娑觀面無羞色

滯網羅奪境不奪人尋言何處真問祖禪是妄究理理
非親日照寒光澹山搖翠色新直饒百會得恰似眼中
塵入境兩俱奪從來正令行不論佛與祖那說聖凡情
云擬犯吹毛劍還如值木盲進前求妙會持地打精靈人
長境俱不奪思量意不偏主賓言不異問答理俱全踢破
不登潭月身開碧落天不能明妙用淪溺在無緣
大同濟禪師僧問如何是本來人師云共住不相識云恁
麼則禮拜去也師云曠寫愁腸寄阿誰
保寧勇頌云共住同行世莫知幾人當面便逢伊縱饒
紹續家門者半是貧寒乞養兒
趙州論禪師問投子大死底人却活時如何子云不計夜
行投明須到

雪竇顯頌云活中有眼還同死藥忌何須整作家古佛
尚言曾未到不知誰解脫塵沙白雲端云死去活來
牙尚露投明須到已先行誰家別館池塘裏一對鴛鴦
畫不成長靈卓云虛空產出鐵牛兒頭角分明也大
奇踏破澄潭深處月夜闌牽向雪中歸佛印元云不
死底人同活人三千豪俠又隨塵李陵本是收番將却
作降番上將身徑山杲云木叅不陽艷競栽桃李春
翻令力耕者半作賣花人
趙州僧問路逢達道人不將語默對未審將甚發對師云
人從陳州來不得許州信
大漁行頌云滿滿彎弓射不著長長揮劍斫無痕堪笑
日月不到處箇中別是一乾坤

夾山會禪師僧問如何是夾山境師云猿抱子歸青嶺後鳥銜花落碧巖前

法眼云我二十年來只作境話會却浮山遠云直饒

不作境話會亦未會在何故畢因既月通於角象被雷

驚花入牙琅琊覺云且道如今恁生會良久云上土

遊山水中人坐竹林

投子青頌云月皎青松鶴夢長碧霄丹桂掛玲羊巖高

壁肉千峯雪石笋生條半夜霜寶峯祥云古鏡重磨

又一新一回出匣一驚人石頭城下風雷吼老老禪翁

把要津丹霞溥云蚌含明月珠生腹龍擁深雲雨麗

空莫向平田翻巨浪直須點點盡朝東徑山泉云境

話會來猶未是却問而今作麼生清涼元本鼻頭直夾

山依舊兩眉橫

雲門偃禪師僧問如何是本修行底人師云一棹在手

大中德頌云手中一棹絕痕瑕道聽途傳轉見驗作者

至今拈不起依前獨自掣歸家

鳳翔石柱禪師遊方時到洞山林也值山示衆云有

四種人一人說過佛祖一步行不得一人行過佛祖一句說不

得一人說得行得一人說不得行不得那箇是其人師出

衆云一人說過佛祖一步行不得祇是無古不許行一人

行過佛祖一句說不得祇是無足不許說一人說得行得

祇是函蓋相稱一人說不得行不得如斷命求活此是石

女兒披枷帶鎖山云關隸分上又作麼生師云該通分上

卓卓寧章山云紙如海上明公秀又作麼生師云幻人相

逢無掌呵呵

丹霞淳頌云水底泥牛耕白月雲中木馬驟清風胡僧懶捧西乾鉢半夜乘舟過海東

靈峯顯禪師僧問如何是諸佛向上人師云白雲覆青山云莫便是和尚為人處也無師云綠沼徒長蘂

投子青頌云雪嶠層層翠鎖深風生寒岫結重雲夜來入丹鳳冲霄漢聽曉樵人逐鴈群

鳳嶽云此眼○心眼

十祖脇尊者因十祖作童子時來祖乃問爾從何來云我心非往祖云爾住何所云我心非止祖云子不定耶云諸佛亦然祖云爾非諸佛云諸佛亦非
翠巖芝云祖師與童子一問一答總欠會在如今作麼

生會

南堂靜頌云諸佛亦非國泰家肥出窟獅子報曉金雞馬祖一禪師示眾云汝等諸人各信自心是佛此心即是佛心達磨自南天竺國來至中華傳上乘一心之法令汝等開悟僧問和尚為甚麼說即心即佛師云為止小兒啼云啼止後如何師云非心非佛云除此後如何指示師云向伊道不是物

翠巖真頌云百萬雄兵出將軍獵渭城不閑弓矢力斜
漢月初生圓悟勤云無鬚鎖子八面玲瓏不撥自轉
南北西東海神知貴不知價留與人間光照夜
白云心心即佛佛心心佛佛心心即佛心心佛悟來無
二物將軍止渴望梅林佛鑑勸云美如西子離金閣

嬌似楊妃倚玉樓猶把琵琶半遮面不令人見轉風流
長靈卓云風勁葉頰落山高日易流坐中人不見惚外
白雲深黃龍震云敲之即響聽則無聲敲冬汗濕酷
熱冰清試問道途來往客長安此去幾多程
槃山積禪師示衆云三界無法何處求心

雪竇顯頌云三界無法何處求心白雲爲蓋流水作琴
一曲兩曲無人會雨過夜塘秋水深佛性泰云三界
無法何處求心山容雨過松韻風吟橫眠倒卧無餘事
一任莓苔滿地侵佛鑑勸云青青入座當軒竹黯黯
遮門對面山更有一般堪羨處夜深流水響潺潺
麻谷徹禪師問臨濟大慈千手眼那箇是正眼濟云大慈
千手眼作麼生是正眼速道速道師拽濟下禪床却坐齊

遂起云不審師擬議濟便喝拽師下禪床却坐師便出去
達觀頌云諸德此二尊宿如此且道恁生今時人總道
照用照甚麼椀一切人只解自騎馬去捉賊自持刀去
殺賊此二人便能奪賊馬捉賊奪賊力殺賊雖然如是
臨濟雖是得便宜却是落便宜
保寧勇頌云多年塞上只聞名今日陣前親見面足馬
單鏘戰數場好是見機開一箭海印信云大慈正眼
問來端互換之機子細看會得不得亦韻預也似黏魚
上竹竿覺海元云正眼英雄逢正眼勝劣短長徒用
六揀那叱現出本來身且非父母能生產普融平云相
逢彼路轉身難一陣交鋒瞬息間旗號縱橫渾莫辨試
問何人得勝還

龐蘊居士問馬祖不昧本來人請師高著眼祖直下觀士
進云一種改紋琴唯師彈得妙祖直上觀士乃作禮祖歸
方丈士隨後入云弄巧成拙

雲峯悅云且道窟家弄巧成拙主家弄巧成拙還有入
揀得出麼若揀得出三十棒一棒也較不得若揀不出
明年更有新條在惱亂春風卒未休
琅琊覺云一夜
作竊不覺天曉

保寧勇頌云浩浩擎山頂嶽來撐天拄地勢崔嵬從教
弄巧翻成拙撒手前行更不回
佛眼遠云與子偕行
今日路與君共看本來人同名同姓同形段無死無生
無色塵
佛鑑懃云馬師素有拏雲手龐老猶伸掣電
殺機土死驚鶯相望語朱樓鶯鶯一雙飛

雲巖晟禪師問道吾大悲菩薩用許多手眼作甚麼吾云
如人夜間背手摸枕头相似師云我會也吾云汝作麼生
會師云徧身是手眼吾云道也太煞道只道得八成師云
某甲只恁麼師云作麼生吾云通身是手眼

雪竇顯頌云徧身是通身是拈來猶較十萬里展翅崩
騰六合雲搏風鼓蕩四溟水是何埃壘兮忽生那箇毫
釐兮未止君不見網珠垂範影重重棒頭手眼從何起
喝佛心才云演若怖回鏡裏首那吒還復舊時身不
知千眼從何起便道全軀在剎塵
大洪頌云弟應兄
呼豈偶然嬉遊時在舊山前通身手眼如何會拾得寒
山笑揭天
天寧璉云通身是手眼徧界不曾藏背摸
床頭枕翻身嫌夜長

趙州論禪師問僧甚處來云雪峯來師云雪峯近日有何
言句僧云雪峯示眾云盡大地是沙門一隻眼波等語又
向甚處局師云上座若回雪峰我寄箇鐵子去與他
保福展云南有雪峯北有趙州琅琊覺云眾中有云
寄鐵子去埋却趙州若道寄鉢去便道盛粥飯用狂
解益見你麼商量不是僧繇手謾說學丹青雪峯顯
云這僧既不從雪峯來可惜趙州鐵子
正覺逸頌云南望雪峰猶萬里北遊未踏趙州關賺他
某一隻破鉢子二百餘年去不還佛慧泉云石橋一路
滑如女問嶺風高凍不開相見盡蓋將歷去幾人曾到
以雪峯來鼓山珪云大地是眼何處局天下不奈雪老
其何趙州寄箇鐵子去方得此語圓堵堵徑山杲云途

路波略數十州傳言送語當風流不知脚下泥生刺踏
著鐵人脚指頭

保壽第二世禪師開堂日三聖和尚乃推出下僧師便打
聖云送麼為人瞎却鎮州一城人眼去在師便歸方丈
空竇顯云保壽三聖雖發明臨濟正法眼藏要目只解
無佛頭稱尊當時這僧若是箇漢纔被推出便掀倒彈
牀直饒保壽全機也較三千里雲峯悅云臨濟下宗
掃地而盡因甚麼却到這裏臺拈拄杖云甚麼處去也
為山秀云保壽為將因何三聖却作中軍可惜鎮州一
城人眼至今未辨東西然清議之辨必有竊吹之處當
時連三聖越出必然救得鎮州一城人眼五祖戒別
保壽云千鈞之弩不為鼯鼠而發機琅琊覺云不是

三聖筭到今日然雖如是錯會者多 大為詰云保壽
大似寰中天子勅正行三聖塞外將軍今正舉還有不
惜性命者麼出來與老僧相見要斷不平之事良久云
橫按鎮錘全正令太平寰宇斷癡頑
黃龍南頌云寶華王座始登時三聖推僧決衆疑棒下
分明無老少天下盲人幾箇知 佛國白云臨濟家風
兩獻酬推僧棒時親宗猷若非保壽全機眼更有誰明
此話頭 保寧勇云黑白未分著著奇任他閑漢咄頭
鏡不知除却神僊去更有何人獻得伊 徑山杲云提
起須彌第一槌電光石火太遲遲象王行處狐蹤絕獅
子咆哮百獸驚
雲門偈禪師催問如何是正法眼師云普

黃龍心云更道箇瞎且圖兩得相見
共洞山曉頌云普之一字豈尋常擡手須看掣電光擬議
思量生會解堪嗟剝肉作身瘡 大愚芝云說佛說法
用廣鋪錦矢上加尖也太愚明眼衲僧傍觀見一條拄杖
兩人舁白雲端云頂上有來真箇瞎輝天輝地不同
時大悲手裡休擎出獨自夜行誰得知 正覺逸云普
之一字天然別著眼看時如電掣宇宙茫茫無處尋
槌踏著硬如鐵 圓通偈云應機無出老韶陽法眼公
詢普字當機會若非獅子子一場閑夢過滿湘
天童啓禪師僧問如何是應用無虧底眼師云恰如羔下
般
丹霞淳頌云盲聾瘖瘂詢天真眼似眉毛道始隣昨交

東君潛布，令黃鸞啼處綠楊春。

護國澄禪師僧問如何是本求心師云犀因託月紋生角
象被雷驚花入牙

丹霞淳頌云三脚靈龜荒徑走一枝瑞草亂蓬垂
金玉山先潤涼兔懷胎月未知

○肢體

達磨大師將返西天謂門人云時將至矣蓋各言所得乎
時門人道副對云如我所見不執文字不離文字而為道
用師云汝得吾皮尼總持云我今所解如慶善見阿闍佛
國一見更不再見師云汝得吾肉道育云四大本空五陰
非有而我見處無一法可得師云汝得吾骨最後慧可禮拜
後依位而立師云汝得吾髓於是傳法付衣

明安云且道更有一人出來得箇甚麼乃云不得不得
又云意况不到翠巖芝云二祖被他當面塗糊莫道

髓皮也不曾摸著因甚却紹祖位天衣懷云祖師與

無廢說話無計較中翻成計較無塗轍中却成塗轍若教

二伊踏著德山臨濟門下免見九年冷坐彼人喚作壁觀

胡僧直饒如是也未免殃及兒孫五祖演云當時若

見他三人徒麼道各人好與二十棒只如白雲今日也

合喫二十九棒留一棒與你諸人其間若首知痛痒者

不辜負先聖亦乃得見白雲其或未知堂裏喫粥喫飯

更須爛嚼多見是渾綱吞却

佛國白頌云缺齒胡僧到大唐却將皮髓強分張九年

憊羅空歸去添得華人笑幾場保寧勇云門前請子

列成行各逞英雄越霸王如何獨有無言者坐斷毗盧
不可當。正覺逸云少林真嗣撰全書諸子紛紛點額
回衣法莫言容易得曾惠三拜作良媒。地藏恩云當
門齒缺真堪笑面壁無言坐九牛皮髓些些分俵了依
前懨懨返西天。枯木成云四維上下絕渡欄涌出水
毒印碧天無孔箇中藏六律一聲驚起釣魚船
南泉願禪師示眾云王老師賣身去也還有久莫寒時有
二僧出眾云某甲買師云不作貴不作賤你作麼生買僧
無語

趙州云明年與和尚作一頓布衫。卧龍球代云和尚
屬某日。澄源代云是何道理。雪竇顯云雖然作家
競買要且不解輸機且道南泉還肯麼雪竇也酬商量價

直令南泉進且無門退亦無地不作貴不作賤作麼生
買別處容和尚不得。佛鑑勸云遠天索價著地相酬
也須是當行家始得若非當行價例不等不成買賣
泉大道頌云貴賤非同價不常箇中交道勿商量趙州
布衫應時用可任世人說短長。野軒遺云南泉鋪席
大開張差寶希珍歷市行競買雖多酬價少至今天下
錯商量。汝印信云賣身王老難為價貴賤俱非不易
酬若使當時無退悔喚來分付與團頭。保寧房云王
老哀哉不惜身臨危將賣與何人若無令子輕酬價性
往一年空過春
南泉因僧來參乃叉手而立師云大俗生僧合掌師云太
僧生僧無語

僧生僧無語

保寧勇代撒手倒行出去

南佛眼遠頌云南北東西無不利令人深愛老南泉眉毛
斯繫如相似鼻孔透天不著穿

南泉云喚作如如早是變了也今時人須向異類中行始
得趙州在僧堂前見師便問異即不問如何是類師以手
托地州以脚踏師倒地州走入延壽堂叫悔悔師令侍者
問悔甚麼州云海更不與兩踏

保寧勇頌云張公移住向深村被賊潛身入後門銷子
一時偷去後更來敲枕敲兒孫佛日才云父不慈子
不孝作之在前悔之在後明眼僧難絀其口
馮山見仰山從外入師以兩手握拳相交示之仰便作女
个拜師云如是如是

佛鑑勸云須知道解與師齊成師半德見過於師方堪
傳授馮山纔向針鋒上把定乾坤仰山便向藕絲裏開
張世界且因甚如此不見道功多業就水到渠成
馮智云功已成名亦遂父父子子有巴有鼻千古之下
如金擲地諸作者還知麼馮山搖頭仰山擺尾理會如
斯因事長智周公制禮如是如是塗毒策云恁麼說
話豈不是奇特商量殊不知馮山父子無繩自縛去死
十分紙如馮山以手握拳相交示之何似塗毒轉箇在
杖子自西邊扯過東邊且道是同是別箇裏不曾開活
眼知君泥水未嘗分
慈受深頌云佳人十八正嬌癡一曲堂前舞柘枝只有
玉郎知雅態更無人道柳如眉

臨濟玄禪師因趙州遊方到院在後架洗脚次師便問如何是祖師西來意州云恰遇山僧洗脚師道前作聽勢州云會即便會唱咏作甚麼師便歸方丈州云三十年行脚今日錯為入下註脚

玉泉璉云二老相見各有來由明暗互換強弱相持檢點將來大似賊偷賊物要識他用處廢一條拄杖兩人擎好手手中呈好手松源岳云半雨半晴桃紅李白點著便行不勞唱咏那箇是他錯下註脚處試道看鼓山珪頌云洗脚處更不安排側聆時非是唱咏趙州臨濟二老人相見何魯下註脚徑山杲云一人眼似鼓槌一人頭如木杓兩箇老不識蓋至今無處安著長慶稜禪師偈問如何得不疑去師展兩手

投子青頌云展手之時萬仞摧枯河無水月無來若疑別問龐居士石女黃梅誰共陪

魏府大覺禪師僧問如何是本來身師云頭控衡山脚踏北嶽

保寧勇頌云主山之後紫山前下是地兮上是天身手太長衫袴短醉狂贏得樂豐年

文殊禪師僧問古人垂一足意旨如何師云坐久成勞投子青頌云馳書纜去返忽忽一足垂酬繼後蹤坐久

成勞誰委悉紅爐點雪自相通

龍濟修山主同法眼悟空三人到地藏阻雪附爐次藏問山河大地與上座自己是同是別師云別藏豎起兩指師云同藏亦豎起兩指便起去師罔措遂投誠入室

云永山方云這箇漢向火也不了更只管說同說別直饒
見得歷歷分明正在途中向永山門下直須喫棒何故
第十語九中不如一默
白雲端頌云地藏當鋒豎指頭諸老至今猶未瞥天迴
地轉却等閑千古萬古兩條鐵保寧勇云商量同別
文有多般潦倒何曾鼓舌端今古不能提得去一雙靈劍
倚天寒佛印元云山河大地兼同別口中未有娘生
舌多知禪客強分踈躑裏何曾走却鼈
黃龍南禪師室中垂問學徒云我手何似佛手我脚何似
驢脚人人有箇生緣處那箇是上座生緣處少有契其機
者天下號為黃龍三關師復有偈示眾云生緣斷處垂驢
脚驢脚伸時佛手開為報五湖參學者三關下透將來

昃古佛頌云我手佛手兼舉人直下薦取不動干戈
道出當處起佛起祖我脚驢脚並行步步踏著無生會
道得雲收日卷方知此道縱橫生緣有語人皆識水母何
曾離得蝦但見日頭東畔上誰能更喫趙州茶照覺
總云佛手纔開古鑑明森羅無得隱纖形朝朝日自東
邊出多少行人問因下驢脚伸時動地輪大洋海底播
紅塵唯餘庭際青青栢一度年來一度春垂問生緣何
處來到家禪客絕纖埃毗盧剎海周遊也休說峨嵋與
五臺佛眼遠云佛手驢脚生緣黃龍元無此語直饒
恁麼知之我儂亦未相許奉報四海禪人第一不得錯
舉
五祖演禪師每見僧來師乃展手問云何故喚作手

佛眼遠頌云何故喚作手衲僧難開口擬議自顛預可
隣大蒙斗

黃龍心禪師在室中堅拳示僧云喚作拳頭則觸不喚作
拳頭則背未審喚作甚麼

雪巢一頌云昔觸人難會憑君子細看片雲纜出洞透
却面前山道場琳云赤體更無藏隱處黃龍未語先
分付若將見解上門來他家自有通霄路

○真像

南泉願禪師一日訪百丈丈問甚處來師云江西來丈云
還將得馬大師真來麼師云只是丈云背後底咏師拂
袖便出忠國師長慶稜云大似不知保福展云幾不到和尚此間

雲居錫云此二尊宿盡扶背後只如南泉休去為當扶

面前扶背後五祖戒云和尚於此路熟佛鑑勸云

一雙孤鴈博地高飛兩隻鴛鴦池邊獨立塗毒策云

膠漆易辨乳酪難分雖然難弟難兄其奈各行活路只

如百丈道背後底勸南泉拂袖便出又作麼生不因同

渡風波惡爭見船師手段高不袖云長計云意旨喚作

佛眼遠頌云八面當風紙這是拂袖之談動天地堪證

賣身王老師不作賤字不作貴

槃山積禪師將頌址告衆云有人邈得吾真不衆或將所

傳頂相呈似皆不契時普化云某甲邈得師云何不呈似

老僧化遂打筋斗而出師云這漢向後制風狂去在
保福展云普化掣顛不少槃山醜拙更多雲居云普

化只知貌真不覺露醜

佛眼遠頌云師真醜拙不堪呈用盡身心笑殺人波中

莫覓絲頭意白鼻豈肯賀新正

洞山价禪師問雲巖云和尚百年後忽有人問還認得師

真如何祇對巖云但向伊道只這是師良久巖云价閣梨

承當這箇事大須審細師無語巖便打後因供養雲巖真

有僧問先師道只這是莫便是不師云是僧云意旨如何

師云當時幾錯真先師語云未審先師還知有也無師云

若不知有爭解恁麼道若知有爭肯恁麼道

長慶稜云既知有為甚恁麼道又云養子方知父慈

天童覺頌云爭解恁麼道五更雞唱家林曉爭肯恁麼

道千年鶴與雲松老寶鑑證明驗正偏玉機轉側看兼

到門風大振兮規步綿綿父子變通兮聲光浩浩

九峯度禪師僧問一筆丹青為甚麼貌誌公真不得師云

僧繇却許誌公云為甚麼却許誌公師云烏龜稽首須彌

柱

投子青頌云荆山採玉下人尋至寶無瑕絕見因鐵牛

帶子踏滄海撞月石龜長羽鱗

文殊禪師僧問僧繇為甚麼貌誌公真不得師云非但僧

繇誌公亦貌不得云誌公為甚麼貌不得師云彩繪不將

來云和尚還貌得也無師云我亦貌不得云和尚為甚麼

貌不得師云渠不以苟我顏色教我作麼生貌

丹霞淳頌云身光熾盛相巍巍妙筆如何彩繪伊休問

僧繇吳道子誌公他自不能知

禪林類聚卷第二

不辨明云果不以信為難也

來云亦尚難也

信為公亦難也

文難明也

難字之難也

難字之難也

難字之難也

難字之難也

難字之難也

難字之難也

